

**FEDERATA E FUTBOLLIT E KOSOVËS  
FUDBALSKI SAVEZ KOSOVA  
FOOTBALL FEDERATION OF KOSOVA**

---



**RREGULLORJA E GARAVE**

---

**Prishtinë, Korrik, 2018**

Komiteti Ekzekutiv i FFK-së, në bazë të nenit 33 p.3 nën a) të Statutit të FFK-së, në mbledhjen e vet të mbajtur me datën 05 gusht 2009, ndërsa plotësimet dhe ndryshimet me datë **28.07.2018**, aprovoi këtë:

## **R R E G U L L O R E**

### **e Garave të lojës së futbollit**

#### **I. DISPOZITAT E PËRGJITHSHME**

##### **Neni 1**

Rregullorja mbi garat e futbollit përmban dispozitat themelore mbi sistemin e garave të përhershme dhe kushtet e përgjithshme të garave.

Me gara të përhershme në kuptim të kësaj Rregulloreje konsideron garat kampionale dhe të KUP-ës, të cilat zhvillohen çdo vit garues.

##### **Neni 2**

Të gjitha ndeshjet publike të futbollit në Kosovë që i organizon FFK-ja me organet, organizatat dhe anëtarët e saj zhvillohen sipas rregullave të lojës së futbollit të cilat i nxjerr Bordi ndërkombëtar, ndërsa i shpall Organizata Ndërkombëtare e Futbollit (FIFA).

Ndeshjet e futbollit të femrave zhvillohen gjithashtu sipas rregullave të cilat gjithashtu i nxjerr Bordi ndërkombëtar.

Ndeshjet në futboll të vogël zhvillohen sipas Rregullave të posaçme të lojës për Futsal, të cilat i nxjerr Bordi ndërkombëtar.

Vendimet për zbatimin e Rregullave të lojës së futbollit të Bordit Ndërkombëtar në kuadër të autorizimeve të veta i bjen Komiteti Ekzekutiv i FFK-së, ndërsa udhëzimet më të afërta për zbatimin e këtyre vendimeve i japin organet gjegjëse të Komitetit Ekzekutiv të FFK-së (në tekstin e mëtutjeshëm: Komiteti Ekzekutiv-KE).

Tekstin zyrtar të Rregullave të lojës me vendimet e FFK-së për zbatimin e rregullave të lojës dhe udhëzimeve i shpallë FFK-ja.

#### **II. SISTEMI I GARAVE TË PËRHERSHME**

### **Neni 3**

Komiteti Ekzekutiv i FFK-së e përcakton sistemin unik të garave të futbollit në nivel të Kosovës dhe nxjerrë dispozitat e përgjithshme të garave të përhershme për tërë territorin e Kosovës.

### **Neni 4**

Vendimet mbi sistemin e garave përmbajnë:

- mënyrën e garimit: sistemin e pikëve apo sistemi i kupës,
- rangun e garave,
- ligat garuese, grupet në kuadër të rangut të njëjtë të garave,
- numri i klubeve (ekipeve garuese) në rangun e njëjtë,
- mënyra e fitimit të të drejtës në gara në rangun gjegjës të garave dhe grupit garues,
- kushtet të cilat duhet përmbushur klubet (ekipet garuese) në rangun e caktuar të garave.

### **Neni 5**

Sistemin e përhershëm të garave në disa rangje të garave të Kosovës (Superliga, Liga e I-rë, II-të), e cakton Komiteti Ekzekutiv i FFK-së i cili duhet të jetë në përputhje me sistemin unik dhe dispozitat e përgjithshme. Komiteti Ekzekutiv i FFK-së i cakton organet dhe komisionet të cilat udhëheqin edhe mbikqyrin këto gara.

### **Neni 6**

Vendimi për ndryshimin e sistemit të garave nxjerrret (bëhet) më së voni një vit para fillimit të garave.

Propozimin për ndryshimin e sistemit të garave mund ta bënë KE, Lidhja Rajonale e futbollit, organizatat profesionale (e referëve, trajnerëve etj) dhe shoqatat e klubeve të futbollit, ndërsa Vendimin e bjen KE i FFK-së.

### **Neni 7**

Garat mund të organizohen sipas sistemit të njëfishtë, dyfishtë, trefishtë, të KUP-ës ose sipas sistemit të njëfishtë, dyfishtë apo të katërfishtë të pikëve ose sistemit të kombinuar, pastaj sipas sistemit të pikëve dhe sistemit të KUP-ës, e në raste të posaçme, në sistem të Turnirit.

### **Neni 8**

Mënyrën e udhëheqjës së garave të rangut të I-pko-Superligës, Ligës së I-rë, të II-të ,Juniorëve dhe Ligës nacionale për kadet e përcakton Komiteti Ekzekutiv i FFK-së.

Lidhjet rajonale të futbollit organizojnë garat e kategorive të reja –U-9,U-11, U-13, U-15 dhe U-17, por gjithsesi sipas autorizimeve të KE-së dhe në bazë të akteve të saja normative (Propozicionet e garave për grupmosha të reja).

### **Neni 9**

Propozicionet e garave janë Unike, për garat në Superligë, Liga e I-rë, II-të, kategoritë e U-19, dhe Ligës së U-17 kane propozicione te veçanta, si dhe kategorive të reja që garojnë në kuadër të Lidhjeve Rajonale të Kosovës. Këto akte i miraton Komiteti Ekzekutiv i FFK-së.

Me Propozicione më për së afërmi përcaktohen rregullat për zhvillimin e garave, përcaktohen dhe vertetohen kushtet nën të cilat zhvillohen garat, pastaj theksohen organet të cilat udhëheqin me gara si dhe të drejtat dhe obligimet e tyre, si dhe qështje të tjera që parashihen me këtë Rregullore.

Propozicionet nuk mund të jenë në kundërshtim me këtë Rregullore si dhe aktet tjera të përgjithshme të FFK-së.

Në rast të kundërshtimit të dispozitave të Propozicioneve me Rregulloren e Garave, aplikohen dispozitat e Rregullores së Garave.

## **II/1. Garat e përhershme**

### **Neni 10**

Gara të përhershme në territorin e Kosovës janë:

- Kampionatet e futbollit të Kosovës,
- Kupa e Kosovës në futboll;
- Kampionati i Kosovës për U-19;
- Kampionati i Kosovës për U-17;
- Kampionati i Kosovës në Futsall;
- Kampionati i Kosovës në futboll të Femrave.
- Kampionati i Kosovës në futbollin e femrave; U-16
- Kampionati për grupmoshat e reja ( U-15,U-13,U-11 )

Në të ardhmen do të zhvillohet edhe kupa futbollistike e Kosovës kampionati për kategoritë e reja. Si gara të përhershme konsiderohen edhe kualifikimet për hyrje në rang më të lartë të garave, nëse ato parashihen me sistem të caktuar të garave.

Lidhjet rajonale, përmes Komisionit të garave të grupeve përkatëse organizojnë dhe zbatojnë në territoret e tyre garat e përhershme të klubeve nga alinea 1 e këtij neni (vetëm për garat e Kategorive të reja), si dhe marrin vendime lidhur me organizimin e garave kampionale që janë në kompetencë të saj.

## **II/2. Kushtet për organizimin e garave**

### **Neni 11**

Garat kampionale sipas rregullit, organizohen në formë të LIGËS sipas sistemit të dyfishtë të pikëve, që dmth. secili ekip i një lige takohet dy herë me secilin anëtarë të ligës së njejtë dhe atë njëherë si nikoqir dhe një herë si mysafirë. Përfundim të Superliga e cila ka tri etapa me gjithsejt 33 ndeshje, sipas sistemit të Bergerit.

Super-Liga dhe Liga e parë janë unike për territorin e Kosovës, ndërsa Liga e dytë dhe e tretë mund të jenë të ndara në dy apo më shumë grupe mvarësisht nga numri i ekipeve në atë ligë dhe këtë e rregullon KE me vendim të veçantë.

Në gara marrin pjesë vetëm ekipet e licencuara nga KE i FFK-së.

Numri i ekipeve në ligë dhe grupe përcaktohet me vendimin e Komitetit Ekzekutiv të FFK-së, mbi sistemin e garave.

## **II/3. Pjesëmarrja në garat e përhershme**

### **Neni 12**

Klubet e Superligës, Ligës së parë, të dytë dhe të tretë të Kosovës mund të marrin pjesë në të gjitha garat e përhershme (U-19, U-17, U-15, U-13, U 11).

## **III. KUSHTET E PËRGJITHSHME PËR GARA**

### **III/1. Viti garues**

#### **Neni 13**

Viti garues fillon me 1 korrik, ndërsa përfundon më 30 qershor të vitit të ardhshëm. Viti garues është i ndarë në dy stinor: në stinorin vjeshtor dhe atë pranveror

### **III/2. Kalendari i garave**

#### **Neni 14**

Me kalendarin e garave përcaktohen terminet për zhvillimin e ndeshjeve të garave të përhershme, ndeshjeve tjera zyrtare dhe të turneve.

Kalendari nxjerret posaçërisht për çdo vit garues, dhe atë më së voni 15 ditë para fillimit të sezonit vjeshtor.

Kalendari i rangut më të ulët të garave duhet të jetë në përputhje (pajtim) me kalendarin e garave të rangut më të lartë.

Kalendarin e garave e nxjerrë organi kompetent për nxjerrjen e propozicioneve, me propozim të Komisionit të Garave. Nëse udhëheqësia kompetente e rangut të caktuar të garave, nuk e ka shpallur kalendarin e garave në afatin e paraparë me al.2 të këtij neni, udhëheqësia e rangut më të ulët të garave do të përpilojë kalendarin e garave të veta të harmonizuar me kalendarin e garave të rangut më të lartë të shpallur në vitin paraprak.

#### **Neni 15**

Terminet e përcaktuara me kalendarin e garave nuk mund të ndryshohen pa miratimin e Komisionit të Garave, në bazë të kërkesës së kompanisë fituese për transmetim televiziv apo në raste urgjente nga KE i FFK-së.

Përfundimisht, për shkak të fuqisë madhore (Vis mayor) dhe rasteve të tjera të paparashikuara, organi i cili udhëheq me gara mund të ndryshojë terminin e xhiros së caktuar (apo të më shumë xhirove), me atë që për atë xhiro (apo ato xhirove) të caktojë termine të tilla, që nuk e çrregullojnë në masë të madhe kalendarin e garave.

### **III/3. Orari i ndeshjeve të garave të përhershme**

#### **Neni 16**

Orarin e ndeshjeve të përhershme e përcakton organi i cili udhëheqë me gara.

Orari i ndeshjeve caktohet me tërheqje të shortit. Në short hyjnë vetëm klubet e licencuara për atë vit garues dhe për atë kategori garuese. Tërheqja e shortit duhet bërë më së voni 15 ditë para fillimit të garave.

Me Propozicione të garave më për së afërmi përcaktohet afati dhe mënyra e komunikimit të vendimeve lidhur me orarin e zhvillimit të ndeshjes, terreni, fillimi i ndeshjes, personat zyrtarë etj.

#### **III/4. Ndryshimi i orarit të zhvillimit të ndeshjeve**

##### **Neni 17**

Orarin e përcaktuar dhe verifikuar të ndeshjeve kampionale dhe për KUP, mund t'a ndryshojë organi i cili udhëheqë me gara vetëm në bazë të kriteriumeve të përcaktuara me Propozicione të garave gjegjëse, me atë që shtyerja, ndryshimi i terminit të ndeshjes apo xhiros së caktuar të garave, nuk mund të shkojë në dëm të ekipeve të interesuara, e as që mund tju jap përparësi ekipeve ndeshja e të cilave shtyhet në raport me pjesëmarrësit e grupit të njejtë garues.

#### **III/5. Shtyerja e ndeshjes**

##### **Neni 18**

Nëse ekipi i jep dy ose më teper lojtarë për reprezentacionin (përfaqësuesen) e Kosovës, për të zhvilluar ndeshjen e paraparë me kalendarë të garave, atëherë kërkesa e tij mund të ndryshojë orarin e zhvillimit të ndeshjes kampionale apo për kupë.

Ndeshja mund të shtyhet për shkak të pjesëmarrjes së klubeve në garat ndërkombëtare, dhe për shkaqe të sigurisë. Ndeshjet e shtyera do të luhen menjëherë në terminin e parë të lirë, dhe këtë vendim e merr organi kompetent i garave (Komisioni i garave).

Organi që udhëheq me gara, mund të marrë vendim mbi shtyerjen e ndeshjes konform dispozitave të alinesë paraprake dhe ka për obligim t'i njoftojë me shkrim apo me e-mailin zyrtar të ekipet e interesuara, dhe atë më së voni tri ditë para terminit të përcaktuar me orar për fillimin e ndeshjes (termini i të cilës ndryshohet).

##### **Neni 19**

Nëse me vendimin e organit kompetent shtetëror për shkak të ditë-zisë ndalohet zhvillimi i shfaqjeve sportive ose ndeshja nuk mund të zhvillohet ditën e caktuar për shkak të fuqisë madhore (termeti, zjarrit, vërshimet etj), atëherë të gjitha ndeshjet që është dashur të zhvillohen atë ditë shtyhen menjëherë (automatiksht).

Ndeshja e shtyer do të zhvillohet të nesërmen në kohë të njejtë nëse ka pushuar arsyeja e shtyerjes. Nëse ndeshja e shtyer nuk mund të zhvillohet të nesërmen atëherë organi garues do të caktojë terminin e ri për zhvillimin e saj, duke pasur kujdes që termini i ri nuk shkon në dëm të ekipeve të interesuara.

Para fillimit të ndeshjeve të cilat luhen pas kalimit të ditës së ditë-zisë, shprehen ngushëllimet me një minut heshtje në mënyrë të paraparë me Rregullat e lojës së futbollit.

### III/6. Koha e fillimit të ndeshjeve të garave të përhershme

#### Neni 20

Koha e fillimit të ndeshjeve të garave të përhershme, caktohet nga ana e organit i cili udhëheq me gara duke pasur kujdes për rrethanat kohore, lokale dhe mediave, nese ka interes për një gjë të tillë.

Në raste të veçanta, klubet kanë të drejtë të propozojnë terminin por për këtë vendos organi që udheqë me garat.

Kur ekziston marrëveshja ndërmjet ekipeve për kohën e fillimit të ndeshjës së garave të përhershme, organi kompetent sipas rregullit do të aprovon këtë marrëveshje nëse nuk shkon në dëm të ekipeve tjera dhe në dëm të interesit të organizatës futbolistike.

Me Propozicionet e garave mund të parashihet që ndeshjet e xhirove të caktuara të rangjeve të caktuara garuese apo të grupeve të rangut të njejtë të zhvillohen në ditën dhe kohën e njejtë.

Kohëzgjatja e ndeshjeve të futbollit përcaktohet sipas grupmohës dhe gjinisë.

#### Kohëzgjatjet e ndeshjeve sipas grupmohave ;

ne	kategoritë	Kohëzgjatja e lojës	vazhdimet
1	Senioret	2 x 45	2 x 15
2	U – 19	2 x 45	2 x 15
3	U – 17	2 x 40	2 x 10
4	U – 15	2 x 35	2 x 05
5	U – 13	2 x 30	2 x 05
6	U – 11	2 x 25	2 x 05
7	U – 09	2 x 20	2 x 05
8	Femrat senioret	2 x 45	2 x 15
9	Femrat; U – 16	2 x 35	2 x 10
10	Futsalli	2 x 20	2 x 05
11	Futbolli në rërë	3 x 12	1 x 03

#### Neni 21

Për të gjitha ndeshjet e garave të përhershme organi i cili udhëheqë me gara, e cakton delegatin. Në rast se në ndeshje nuk vjen delegatii, atëherë detyrën e delegatit do ta ushtron Gjyqtari nëse me propozicione të garave nuk parashihet ndryshe. Të drejtat dhe detyrat e delegatit janë:

- që në praninë e përfaqësuesve të klubeve të vërteton identitetin e lojtarëve,
- të vërteton se trajnerët e kanë lejen gjegjëse për punë,
- konstaton rregullsinë e librezave të futbollit dhe të drejtën për lojë të lojtarëve të paraqitur dhe ua tërheqë vërejtjen përfaqësuesëve të klubeve për mungesat dhe lëshimet e vërejtura,

- të vërtetojë praninë e Gjyqtarëve të deleguar, mjekëve dhe të personave të tjerë zyrtarë që parashihen me akte të përgjithshme normative,
- të bëjë vlerësimin e gjykimit (nëse nuk është paraparë vëzhguesi referimit), sipas dispozitave të Udhëzimeve përkatëse të FFK-së. Nëse ndonjëri Gjyqtar, vlerësohet me notë negative (1 apo 2), ndaj tij do të inicohet procedura disiplinore.
- që pas përfundimit të ndeshjes merr në pyetje lojtarin e përjashtuar dhe të merr deklaratat nga Gjyqtarët dhe personat tjerë eventual lidhur me përjashtimin dhe ato t'ia bashkangjes protokollit. Në mënyrë të njëjtë të veprojë nëse janë larguar ose paraqitur trajnerët ose personat tjerë zyrtarë të klubeve,
- që të gjitha vërtetimet dhe vlerësimet e veta për dhe lidhur me ndeshje t'i cekë në protokollin e ndeshjes respektivisht në raportin plotësues të cilin së bashku me protokoll dhe shkresa tjera ia dorëzon në afatin e paraparë organit kompetent .
- me Propozicione mund të rregullohen më detajisht kompetencat e delegatit lidhur me vlerësimet që ai mund t'i bëjë gjatë, lidhur me ndeshjen
- Kryetari i Komitetit Ekzekutiv në bazë të autorizimit të Komitetit për ndeshjet e rëndësishme së posaçme mund të caktojë super-delegatin, i cili përpilon raport të shkruar, vlerëson gjykimin e Gjyqtarëve etj. Raporti i tij mund t'iu shërbejë organeve kompetente për marrjen e vendimeve rreth çështjeve kontestuese nga ndeshja në të cilën kishte bërë super-vëzhgimin

### **III/7. Gjyqtarët**

#### **Neni 22**

Të gjitha ndeshjet e garave të përhershme dhe ndeshjet publike të klubeve si dhe ndeshjet e seleksioneve të ndryshme të përbëra nga lojtarët e klubeve të ndryshme, mund t'i drejtojnë vetëm Gjyqtari aktiv i futbollit, anëtarë i Shoqatës së Gjyqtarëve të Kosovës.

Gjyqtari i futbollit nuk mund të paraqitet si lojtarë për klubin i cili garon në Ligën në të cilën gjykon (referon) ai. Gjyqtarët të cilët janë lojtarë aktiv në kohën e dënimit me ndalim të gjykimit (referimit) nuk mund të paraqiten në ndeshjet publike si lojtar, gjegjësisht në kohën e dënimit me ndalesë së ndeshjeve si lojtarë, nuk mund të referojë në ndeshjet publike.

Gjyqtarët e dënuar në çfarëdo baze nuk mund të gjykojnë dhe të kryen funksion në asnjë garë të organizuar nga FFK-ja, as në Liga të Seniorëve, të femrave e as në Futsall apo për grupmosha të reja.

Të drejtat dhe obligimet e gjyqtarëve përcaktohen me Rregulloret e lojës së futbollit dhe ato të gjyqtarëve dhe gjykimit.

#### **Neni 23**

Nëse Gjyqtari i caktuar nuk vjen në ndeshje të garës së përhershme, atë ndeshje do ta drejtojnë Gjyqtari i katërt apo Gjyqtari i parë ndihmës, po që se nuk ka ardhur as Gjyqtari i parë ndihmës, ndeshjen do ta drejtojnë Gjyqtari i dytë ndihmës.



Nëse në ndeshje nuk vjen Gjyqtari kryesor e as Gjyqtarët e caktuar ndihmës, klubet do të merren vesh ndërmjet veti që ndeshjen ta drejtojë ndonjëri prej Gjyqtarëve të pranishëm (por ai duhet të jetë nga lista e gjyqtarëve të rangut përkatës).

Nëse marrëveshja nuk mund të arrihet, atëherë delegati do të vendosë se cili prej Gjyqtarit të pranishëm do t'a drejtojë ndeshjen.

Marrëveshja mbi zgjedhjen e Gjyqtarit duhet të vertetohet me shkrim para fillimit të ndeshjes. Proçesverbalin mbi marrëveshjen e nënshkruajnë përfaqësuesit e klubeve dhe delegati.

Ky proçesverbal i bashkangjitet protokollit të ndeshjes.

Nëse nuk përpilohet proçesverbali për këtë çështje, atëherë delegati do të kërkojë prej përfaqësuesve të klubeve, që të vertetojnë në protokoll marrëveshjen e arritur lidhur me Gjyqtarin.

Nëse klubet nuk kanë arritur marrëveshjen mbi zgjedhjen e Gjyqtarit, por delegati e ka caktuar vetë kjo rrethanë duhet të konstatohet në protokollin e ndeshjes.

Kur në ndeshje nuk vjen Gjyqtari kryesor, Gjyqtarët ndihmës, e as delegati i ndeshjes, atëherë zhvillohet një ndeshje miqësore, nëse me propozicionet e garave nuk parashihet ndryshe.

Nëse në ndeshje vjen Gjyqtari kryesor por nuk vjen njeri prej Gjyqtarëve ndihmës apo të dy Gjyqtarët ndihmës, atëherë do të veprohet në mënyrë analoge si në situatën e paraparë me dispozitat e al. 2 dhe 3 të këtij neni.

Nëse gjatë kohës së zhvillimit të ndeshjes Gjyqtarit kryesor i keqësohet gjendja shëndetësore ose paraqitën shkaqe të tjera për të cilat nuk mund të vazhdoj drejtimin e ndeshjes, detyrën e tij merr Gjyqtari i katërt apo Gjyqtari i pare ndihmës, ndërsa detyrën e Gjyqtarit ndihmës e merr njeri prej Gjyqtarëve të pranishëm të cilin e cakton ai. Nëse e njëjta gjë i ndodh gjyqtarit ndihmës, atëherë do të veprohet sipas dispozitave të al.7 të këtij neni.

Në garat në të cilat për ndeshje caktohen katër Gjyqtarë, obligimet e tyre si dhe procedura në rast të mosardhjes së ndonjërit Gjyqtarë në ndeshje më për së afërmi rregullohen me propozicione të garave gjegjëse.

Prej momentit të delegimit gjyqtarët nuk kanë të drejtë të komunikojnë me zyrtarët e klubeve. Çdo komunikim i gjyqtarëve me zyrtarët e klubeve do të konsiderohet tendencë për marrëveshje apo mitosje dhe për këtë do të inicohet procedurë disiplinore ndaj personave që kanë komunikuar.

Përjashtim bënë komunikimi me personin e autorizuar të klubit gjatë zhvillimit të ndeshjes e që ka të bëjë me organizimin e ndeshjes.

Gjyqtarët janë të obliguar të paraqesin çdo zyrtar të klubeve apo persona të tjerë të cilët i kanë kontaktuar apo kanë orvatur të kontaktojnë pas delegimit për ndeshje. Në të kundërtën do të kenë pasoja të parapara me Rregulloren Disiplinore.

### **III/8. Trajnerët**

#### **Neni 24**

Trajneri mund të kryejë detyrën e vet në ndeshje publike vetëm nëse posedon leje për punën në klubin e caktuar, përkatësisht licencën e lëshuar nga organi kompetent i FFK-së, në pajtim me dispozitat e akteve gjegjëse normative.

Nëse ai nuk posedon licencën, **delegati** nuk do t'i lejon hyrjen atij, respektivisht qëndrimin në pjesën e rrethuar të stadiumit të paraparë për lojtarë rezervë dhe persona zyrtarë.

## Neni 25

Trajnerët të cilët marrin paga nuk mund të paraqiten në ndeshjet publike si lojtarë. Kjo vlen për Superligë dhe Ligën e Parë.

Me këtë nocion nënkuptohen personat të cilët paguhen për punën e tyre dhe janë të evidentuar në FFK si trajner i ekipit gjegjës.

Kundër klubeve që nuk i përmbahen këtij kriteri, do të hapet procedura disiplinore sipas dispozitave të Rregullorës disiplinore të FFK-së.

### III/9. Përfaqësuesi i klubit dhe Personi përgjegjës për siguri

## Neni 26

Secili klub duhet ta caktojë personin i cili do ta përfaqësojë klubin në ndeshje dhe personin përgjegjës për siguri.

Në ndeshjet e garave të përhershme përfaqësuesi i klubit duhet të disponoj me autorizim me shkrim të klubit të vetë.

Përfaqësuesi i klubit në ndeshjet e garave të përhershme, përveç tjerave ka edhe këto të drejta dhe detyra:

- që t'i paraqitet delegatit dhe Gjyqtarit më së voni 60 min. para fillimit të ndeshjes, nëse me propozicionet e garave nuk parashihet ndryshe.
- Që menjëherë pas paraqitjes së delegatit t'ia dorëzojë (kumtojnë) formacionin e ekipit dhe dorëzojnë librezat futbollistike të lojtarëve të cilët do të zhvillojnë ndeshjen dhe të atyre rezervë.
- Të marrë pjesë pjesë në vertetimin e identitetit të lojtarëve dhe të verifikojë rregullësinë e librezave futbollistike dhe duhet të ketë kartën e identifikimit nga klubi (begji)
- Që para fillimit të ndeshjes ta vërtetojë formacionin e ekipit të vet, ndërsa pas përfundimit të ndeshjes të marrë pjesë në përpilimin e protokollit dhe të paraqes vërejtjet eventuale të parapara me Propozicionet e garave.
- Përfaqësuesi i klubit vendos është i obliguar që gjatë kohës sa zgjatë ndeshja të jetë në afërsi të delegatit, në mënyrë që t'i ofrojë ndihmë në eliminimin e dobësive eventuale të cilat paraqesin pengesa për zhvillimin normal të ndeshjes dhe
- Të kryej punë të tjera që parashihen me akte të përgjithshme dhe Propozicione të garave.

Përgjegjësi për siguri i klubit, në ndeshjet e garave të përhershme, përveç tjerave ka edhe këto të drejta dhe detyra:

- që të jetë në stadium së paku 2 orë para fillimit të lojës, t'i paraqitet delegatit dhe Gjyqtarit para se ata të arrijnë në stadium dhe nëse është nevoja edhe jashtë stadiumit, para fillimit të ndeshjes dhe pas përfundimit të saj, nëse me propozicionet e garave nuk parashihet ndryshe.
- Që menjëherë pas paraqitjes së delegatit t'ia kumtojë atij gjendjen e sigurisë dhe masat e marra të sigurisë.
- Që para fillimit të ndeshjes të mos lejoj persona të pautorizuar të qëndrojnë në objekte të stadiumit dhe në fushë. Përgjegjësi për siguri i

klubit vendas është i obliguar që gjatë kohës sa zgjatë ndeshja të jetë në afërsi të delegatit, në mënyrë që t'i ofrojë ndihmë në eliminimin e dobësive eventuale të cilat paraqesin pengesa për zhvillimin normal të ndeshjes dhe pas përfundimit të ndeshjes të siguroj percjelljen e personave zyrtar dhe të ekipeve pjesëmarrëse në gara.

- Të kryej punë të tjera që parashihen me akte të përgjithshme dhe Propozicione të garave.
- Përgjegjësi për siguri duhet të ketë shenjën indentifikuese ose së paku një jelek ngjyrë portokalli apo të gjelbërt.

### **III/.10. PROTOKOLI i ndeshjes (Procesverbali i ndeshjes)**

#### **Neni 27**

Për çdo ndeshje publike përpilohet Protokoli zyrtar.

Protokolin për ndeshje të garave të përhershme e formulon delegati, ndërsa në mungesë të tij e përpilon Gjyqtari.

Protokoli i ndeshjes duhet gjithsesi të nënshkruhet nga personat zyrtar të të dy klubeve, përndryshe ata do të dënohen sipas Rregullores Disciplinore, Prjashtimisht në ndeshjet e IPKO-Superliges ku protokoli i ndeshjes shkruhet nga ana e delegatit me kompjuter dhe dërgohet në mënyrë digjitale në FFK.

Protokoli shkruhet në 4 kopje, prej të cilave: nga një kopje u dorëzohet klubeve, një organit që udhëheq me gara dhe një kopje mjeteve të informimit.

Protokoli duhet të përmbajë këto elemente: rangun e garave të ndeshjes, datën, vendin dhe kohën e zhvillimit të ndeshjes, terrenin (stadiumin), emërtimet e ekipeve, përbërjen e ekipeve emrat e personave zyrtar, rezultatit e arritur përfundimtar dhe atë të pjesës së parë, zëvendësimet e bëra, emrat e lojtarëve të ndëshkuar me vërejtje publike apo të përjashtuar, emrat e lojtarëve golashenues me minutat e shënimeve, vlerësimin e delegatit dhe përfaqësuesve të dy klubeve rreth ndeshjes, deklarata e Gjyqtarit mbi masat disiplinore të shqiptuara dhe shkaqet, deklaratën mbi incidentet dhe trazirat, paralajmërimin e ankesës me shkaqet e saj, etj.

Me Propozicione të garave mund të parashihet që në Protokoll në shënohen edhe të dhënat tjera, ndërsa organi që udhëheq me gara mund të caktojë formen e formularit të Protokollit.

#### **Neni 28**

Lojtari i përjashtuar si dhe personat zyrtar të larguar (ndëshkuar) prej Gjyqtarit, janë të obliguar që menjëherë pas përfundimit të ndeshjes t'i paraqitën delegatit dhe të japin deklaratë lidhur me rrethanat e caktuara që kanë të bëjnë me kundërvajtjen e tyre.

Lojtarët dhe personat e larguar (ndëshkuar) prej Gjyqtarit janë të detyruar ta lëshojnë menjëherë fushën dhe të shkojnë në vendin e posaçëm ose në tribunë, përndryshe bëjnë kundërvajtje disiplinore dhe ndëshkohen sipas Rregullores Disciplinore.

Nëse lojtari refuzon ta jap deklaratën, atëherë duhet që brenda 48 orëve pas përfundimit të ndeshjes t'a deponoj atë me shkrim në FFK, përndryshe do të konsiderohet se e ka dhënë deklaratën.

Delegati në mënyrë të njejtë do të veprojë edhe me personat zyrtar të cilët janë ndëshkuar dhe shënuar në protokoll nga ana e Gjyqtarit apo vëzhguesit.

#### **Neni 29**

Protokolli i ndeshjes së garave të përhershme përpilohet dhe plotësohet në lokal të posaçëm, gjithësesi në praninë e Gjyqtarit, Gjyqtarëve anësor, nga një përfaqësues i klubeve, delegatit dhe procesmbajtësit.

Protokollin nga alinea 1 e këtij neni duhet ta nënshkruajnë përfaqësuesit e autorizuar të klubeve, Gjyqtari dhe delegate ( per ndeshjet ku nuk aplikohet sistemi digjital)

#### **Neni 30**

Protokolli i ndeshjes është dokument publik, andaj të dhënat e shënuara në të konsiderohen të sakta gjithnjë deri sa mos të vërtetohet e kundërta.

Nëse në të dhënat e shënuara në protokoll konstatohet ndonjë gabim, organi kompetent që udhëheq me gara do të bëjë përmirësimin, ashtu që protokollin i ndeshjes t'i përgjegjet gjendjës faktike.

Përmirësimi i gabimeve në protokoll kryhet sipas detyrës zyrtare në përputhje me të dhënat nga raportet plotësuese të Gjyqtarit, Gjyqtarëve ndihmës dhe delegatit të ndeshjes, si dhe kërkesën me shkrim të klubeve pjesëmarrëse në ndeshje.

Edhe klubi pjesëmarrës në ndeshje dhe palët tjera të interesuara mund të paraqesin kërkesën për përmirësimin e të dhënës së shënuar gabimisht në protokoll, përmes telefaksit apo me leter rekomanduese më së voni në afat 48 orësh nga përfundimi i ndeshjes. Një kopje të kërkesës në afat të njejtë i dërgohet edhe klubit tjetër pjesëmarrës (respektivisht klubeve pjesëmarrëse) në ndeshje.

Nuk mund të bëhen përmirësime apo ndryshime në Protokollin e ndeshjes deri sa të sjellet i njëjti në FFK. Nëse eventualisht ndodh që në Protokollin zyrtar janë bërë lëshime dhe të cilat Komisioni i Garave i cilëson si të paqëllimshme dhe nuk prekin në substancën e raportit atëherë ato mund të përmirësohen brenda afatit të lejuar.

### **III/11. Tereni futbollistik**

#### **Neni 31**

Secili teren futbollistik në të cilin zhvillohen ndeshjet publike duhet të jetë i regjistruar dhe i pranuar nga ana e organit kompetent,- Komisionit për pranimin e terreneve. i cili edhe e benë regjistrimin e terrenit për ndeshjet e rangut garues.

Regjistrimin e terrenit të futbollit bëhet në bazë të raportit të komisionit të posaçëm për kontrollimin dhe pranimin e terreneve, të cilin e cakton Komiteti Ekzekutiv i FFK-së.

Komisionin e përbëjnë tre anëtarë, njeri prej të cilëve duhet të jetë Gjyqtarë apo ish Gjyqtarë. Komisioni përpilon procesverbalin mbi kontrollimin e bërë të terrenit dhe për këtë lëshon Vendim.

Komisioni për inspektimin e fushave, pas përfundimit të kampionatit (në raste të caktuara edhe më shpesh) bënë shiqimin e të gjitha stadiumeve dhe vërejtjet ua paraqet zyrtarëve të klubeve të cilët janë të obliguar që t'i eliminojnë ato deri në kohën kur komisioni apo KE u jep afat për përmbushje të tyre.

Në rast se komisioni konstaton se përkundër vërejtjeve klubi nuk i ka eliminuar në tërësi vërejtjet që komisioni i ka parashtruar klubit por ata janë duke punuar në evitimin e tyre atëherë komisioni mund të bëjë sërish kontrollimin pas një jave apo në afat të cilit e cakton vetë komisioni. Shpenzimet e Komisionit do t'i fakturohen klubit i cili me kohë nuk ka përmbushur kriteret.

Kur komisioni definitivisht nuk e pranon një teren sportiv për garat gjegjëse, atëherë klubet kanë të drejtë të paraqesin kërkesë të sërishme për inspektim por jo në afat më të shkurtër se 30 ditë nga dita e inspektimit të fundit. Shpenzimet i merr përsipër klubi aplikues.

Ankesat për parregullsinë në dimensionet e terrenit, shënimin e vijave në të, madhësinë e poratve, topit të lojës etj, do të refuzohen, nëse klubi i cili ushtron atë (ankesën), para fillimit të ndeshjes, nuk i ka bërë kundërshtimin me shkrim Gjyqtarit për gjërat që theksohen në ankesë.

Nëse konstatohet se ekipi ka ndryshuar dimensionet e fushës dhe portës e të cilat nuk i përgjigjen rregullave të lojës së futbollit dhe kategorisë ku klubi bënë gara, ndaj klubit do të inicohet procedurë disiplinore.

Nëse ka vërejtje në dimensionet e fushës, portës dhe topit vëzhguesi dhe gjyqtarët duhet me shkrim të cekin para fillimit të ndeshjes gjendjen faktike pas matjeve që kanë bërë. Nëse klubi nikoqir pas kërkesës së delegatit dhe gjyqtarit nuk i përmirëson vërejtjet e gjetura mbrenda 15 minutave nga koha e fillimit të lojës atëherë loja nuk do të zhvillohet dhe klubi nikoqir atë do ta humb me rezultat zyrtar.

### **Neni 32**

Terenet në të cilat zhvillohen ndeshjet e garave zyrtare te Kosovës, duhet të jenë të pranuar nga KE-ja, në bazë të kriterëve për infrastrukturë.

Klubi Futbollistik duhet të vërtetojë se në mënyrë ligjore ka të drejtën në shfrytëzimin e stadiumit (është pronar) ose se ka kontratë me shkrim me pronarin e stadiumit.

Sipas UEFA-së proporcionet e fushës duhet të jenë: standard për ndeshje ndërkombëtare : 105m x 68m. ose min. 100m x 64m. (UEFA parashih proporcionet 120 x 80 metra)..

KE ka paraparë që për SuperLigë proporcionet e fushës duhet të jenë: min. 100m x 60m,Max:120mx80m.

Për Ligën e Parë proporcionet e fushës duhet të jenë: min. 100m x 60 m, Max: 120m x 80m.

Për Ligën e dytë dhe më poshtë: 90m x 60m. dhe Max 120m x 80m.

Kriteret e UEFA-së dhe FIFA-së parashohin edhe kriteret tjera mvarësisht nga niveli i pjesëmarrjes në gara kombëtare dhe ndërkombëtare.

Komiteti Ekzekutiv në pajtim me aktet normative të FFK-së, do të caktojë minimumin e standardeve, për terrenet në të cilat zhvillohen ndeshjet e ragut të caktuar të garave.

### **III/12. Vlerësimi i përshtatshmërisë së terrenit për lojë**

### Neni 33

Ndeshjet mund të zhvillohen vetem në terrenin i cili është i përshtatshëm për lojë dhe i pranuar për atë rang të garave.

Ekipi nikoqir është i obliguar që ta përgaditë terrenin ashtuqë të jetë i përshtatshëm për lojë, duke e përgatitur fushën, shënuar vijat, siguruar rrjetat për portë si dhe flamujt anësor.

Vlerësimi i përshtatshmerisë së terrenit duhet të bëhet në praninë e dy kapitenëve të ekipeve që do të zhvillojnë ndeshjen dhe atë pak para kohë para fillimit të ndeshjes (kohën e fillimit e cakton organi që udhëqet me gara), përjashtimisht, kontrollimi mund të kryet edhe më heret po ditën e njejtë dhe atë me kusht që ai të kryhet në praninë e dy kapitenëve dhe Gjyqtarit .

A është terreni i përshtatshëm për lojë apo jo, për shkak të ndikimit të kushteve atmosferike dhe shkaqeve tjera që radhiten në fuqi madhore, vendos Gjyqtari i cili është i caktuar të drejtoi ndeshjen.

Gjyqtari nuk do ta fillojë ndeshjen :

- a. nëse terreni për lojë nuk është vizatuar shiqueshëm dhe drejtë, si dhe rekuizitat elementare (rrjetat, portat, flamujt etj) të terrenit nuk kanë qenë të vendosura drejtë dhe në mënyrë të rregullt.
- b. nëse terreni për lojë është i mbuluar me baltë dhe ujë të cilët e pengojnë lëvizjen e lojtarëve dhe topit,
- c. nëse terreni për lojë është i ngrirë dhe ekziston mundësia e lëndimit të pjesëmarrësve të lojës,
- d. nëse terreni për lojë është i mbulur me borë, lartësia e së cilës pamundëson lëvizjen e lojtarëve, topit dhe gjyqtarëve (e vërtetohet se organization është angazhuar që terrenin t/a aftësoi për ndeshje ,
- e. nëse për shkak të mjegullës nuk shihen portat nga vija e mesit të fushës, Gjyqtari dhe vëzhguesi janë të obliguar që në protokol të cekun shkakun e marrjes së vendimit përshtatshmerinë e terrenit dhe protokollin t'ia dorëzojnë udhëheqësisë së garave në afat prej 24 orëve, me informimin paraprak .

### III/13. LOJTARËT: numri më i vogël dhe zëvendesimet

#### Neni 34

Ndeshja nuk mund të fillojë nëse njëri prej ekipeve ka më pak se 7 lojtarë.

Lojtarët të cilët nuk fillojnë ndeshjen kanë mundsi të hyjnë në lojë deri në fund të ndeshjes, por që paraprakisht janë shënuar në protokoll si lojtar apo rezervë.

#### Neni 35

Nëse një ekip gjatë kohës së zhvillimit të ndeshjes mbetet më pak se 7 lojtarë, gjyqtari është i obliguar që ndeshjen ta ndërpresë po që se ekipi nuk është në gjendje që brenda 5 minutave të sigurojë numrin e nevojshëm të lojtarëve.

### **Neni 36**

Në ndeshjet kampionale dhe për KUP gjatë ndeshjes, në njërin ekip mund të zëvendësohen më së shumti tre (3) lojtarë, duke respektuar dispozitat FIFA-së.

Kurse në ndeshjet e U-19, U-17, në njerin ekip mund të zëvendësohen më së shumti pesë (5) lojtarë, kurse të U-15, U-13 dhe U-11 në njerin ekip mund të zëvendësohen më së shumti 7 lojtarë.

Zëvendësimet mund të kryhen vetëm me lojtarë të cilët para ndeshjes janë evidencuar në protokoll, e ata mund të jenë më së shumti 7.

### **III/14. FANELAT:**

#### **Neni 37**

Ekipet në një ndeshje, nuk mund të luajnë më fanela të ngjyrave të njejtë apo të ngjashme. Kompetent për vlerësimin e këtij elementi është Gjyqtari kryesor (pas konsultimit me anëtorët), i cili edhe e merrë Vendimin definitiv lidhur me këtë.

Nëse ekipet, fanelat tradicionale i kanë me ngjyrë të njejtë apo të ngjashme, atëherë ekipi mysafir është i obliguar që të ndërrojë fanelat, në të kundërtën, nëse ndeshja nuk do të mund të zhvillohet për këtë arsye, ajo do të regjistrohet me rezultat zyrtar 3:0: në favor të ekipit nikoqir.

Para fillimit të Kampionatit, më rastin e licencimit në FFK, ekipet janë të obliguara të njohtojnë Organin që udhëheq me gara për ngjyrat (ato tradicionale dhe rezervë) me të cilat do të luaj në atë kampionat.

Më së voni 15 ditë para fillimit të vitit garues, organi gjegjës i Gjyqtarëve të futbollit të FFK-së është i obliguar të shpallë ngjyrën rezervë të fanelave të Gjyqtarëve. Ngjyra e paraqitur e fanelave e klubeve qartas duhet të ndryshojë nga ngjyra zyrtare e fanelave të Gjyqtarëve.

Gjyqtarët janë të obliguar që në ndeshje të disponojnë me fanelat rezerve.

#### **Neni 38**

Gjatë kohës së zhvillimit të ndeshjes, lojtarët në pjesën e mbrapme (shpinë) të fanelave të veta, duhet të kenë numrat e dukshëm të madhësisë së caktuar me dispozita.

Numrat në fanela duhet të përputhën me numrat në regjistrin e lojtarëve të shënuar me protokollin e ndeshjes.

Dispozitat të cilat më për së afërmi do të rregullojnë ngjyrën e ndërresave (fanelave, shorreve, mbathjes), numrave (madhësisë) etj, do të caktohen me akt të posaçëm normative të Komitetit ekzekutiv të FFK-së.

### **III/15. ORGANIZIMI I NDESHJES:**

#### **Neni 39**

1. Organizimin e ngjarjeve sportive e bënë Federata e Futbollit e Kosovës.

2. Organizimin e ngjarjeve sportive mund ta bëjnë klubet sportive, organizatat e sportistëve shoqatat e sportistëve edhe personat fizikë apo juridikë që paraprakisht kanë bërë marrëveshje me federatën e futbollit të Kosovës.
3. Organizatori i ngjarjeve sportive është i obliguar të ndërmarrë të gjitha veprimet e nevojshme për sigurimin e ngjarjes sportive, e në veqanti duhet te kujdeset për masat parandaluese të shfaqjes së dhunës dhe sjelljeve të palejuara.

Të gjithë organizatorët e ngjarjeve sportive në futboll përpos që implementojnë dispozitat obligative nga aktet normative të FFK-së, iu nënshtrohen edhe Ligjit mbi parandalimin e dhunës dhe dukurive negative në sport e sidomos në kapitujt:

- Dhuna, sjelljet e palejuara, kurdisjet dhe dukuritë negative në ngjarjet sportive;
- Masat organizative;
- Masat preventive;
- Obligimet e organizatorit në ngjarjet sportive me rrezikshmëri të lartë;
- Obligimet e organizatorit për mbajtjen e evidencave përkatëse;
- Obligimet e organizatorit për sigurimin e kushteve teknike;
- Masat të cilat i ndërmarrin organet shtetërore kompetente;
- Bartja e shpenzimeve lidhur me masat e shqiptuara;
- Masat disiplinore dhe direktivat;
- Masat disiplinore kundër anëtarëve dhe klubeve, etj.

#### **Neni 40**

Dispozitat mbi organizimin e ndeshjes dhe rendin në stadion gjatë zhvillimit të ndeshjës caktohen me Propozicionet e garave dhe nenet e cekura më lart në këtë Rregullore të garave të lojës së futbollit.

Organizatori i ndeshjes është i obliguar të organizojë zhvillimin e saj në pajtim me dispozitat e kesaj rregullore.

Për organizimin e ndeshjes përgjegjës është ekipi nikoqir.

#### **Neni 41**

Organizatori i ndeshjes është klubi i parë (nikoqiri) i shënuar në orarin e ndeshjeve.

Detyrat e organizatorit të ndeshjes janë te pershkruara ne nenin 39 të kesaj rregulloreje:

- të sigurojë shërbimin e nevojshëm mjekësor,
- të sigurojë shërbimin gjegjës të sigurisë (Policinë e Kosovës),
- që ekipit mysafir t'i ofrojë dhe sigurojë mikpritje dhe lokal për qëndrim para dhe pas përfundimit të ndeshjes një gjë e tillë është nevojshme ,



- që përsoneve zyrtar (nëse ata nuk jetojnë në vendin ku zhvillohet ndeshja), me kërkesën e tyre t'iu sigurojë lokal qëndrimi, ashtu siç parashohin propozicionet e garave .
- të ndërmarë të gjitha masat për organizimin dhe sigurimin e ndeshjes.

Me propozicionet e garave mund të rregullohet më për së afërmi mënyra e kryerjes së obligimeve nga alinea e mëparëshme si dhe obligimet tjera të organizatorit të ndeshjes.

### **III/17. Ndeshjet publike**

#### **Neni 42**

Me ndeshje publike nënkuptohen të gjitha ndeshjet e garave të përhershme si dhe ndeshjet miqësore dhe turnetë që i organizojnë klubet, organizatat sportive etj.

Ndeshjet miqësore publike dhe turnetë organizohen sipas dispozitave të cilat vlejné për gara të përhershme dhe dispozitave të posaçme që parashihen me këtë rregullore. Përsona që bëjnë lëshime dhe kundërvajtje eventuale në ndeshje publike, mirren në përgjegjësi sipas dispozitave të Rregullores Disiplinore të FFK-së.

Ndeshjet training nuk konsiderohen si ndeshje publike. Në këto ndeshje nuk vlejné kufizimet lidhur me të drejtën e lojës dhe ndalesën e lojës, me marrjen pjesë të lojtarëve nga klubet tjera, me numrin e ndërrimeve që mund të bëhen në ndeshje etj. Në këto ndeshje nuk mbahet protokoll dhe nuk i paraqitet raporti organit kompetent të futbollit, madje edhe rastet kur ato i drejton Gjyqtari i papërvojë.

#### **Neni 43**

Në ndeshjet e garave të përhershme mund të luajnë vetem lojtarët të cilët kanë fituar të drejtën e lojës për klubin e vet dhe para ndeshjes janë të shënuar në protokoll si lojtarë apo rezervë.

Gjithashtu në ndeshjet të caktuara publike mund të luajnë si mysafir edhe lojtarët e klubeve tjera sipas dispozitave të kësaj Rregulloreje.

### **III/18. Ndeshjet miqësore dhe turnetë**

#### **Neni 44**

Çdo ndeshje miqësore duhet t'i paraqitet Komisionit kompetent. Paraqitja e ndeshjes si dhe kërkesa për Gjyqtarë duhet të bëhet së paku 8 ditë para ndeshjes, ndërsa për raste të arësyeshme 48 orë para ndeshjes. Arësyeshmërinë e kërkesës e vlerëson organi kompetent. Klubi i cili nuk u përmbahet këtyre dispozitave, është përgjegjës sipas dispozitave të Rregullorës Disiplinore të FFK-së.

Çdo klub duhet të ketë lejen e organit kompetent për organizimin e Turneut.

Lejen nga alinea paraprake e jep Komiteti Ekzekutiv respektivisht organi që e autorizon ai, dhe atë:

- për turne në të cilat merrë pjesë një apo më shumë klube të huaja dhe ekipet e Superligës, Ligës së I-rë, Ligës së II-të, lejen e jep Komiteti Ekzekutiv i FFK-së.

- Për të gjitha turnetë tjera, duke i përfshirë edhe turnetë e klubeve të të gjitha rangjeve garuese, lejen e jep organi kompetent i cili udhëheq me gara.
- Për turnetë tradicionale të futbollit vendos KE me vendim te posaçëm dhe vendos se a do t'a futë turneun e tillë në kalendarin zyrtar të garave dhe a do ta merr përsiper organizimin e tyre.

Kërkesën për lejimin e turneut duhet bërë më së voni 15 ditë, para ditës së paraparë për fillimin e turneut. Kërkesës duhet bashkangjitur edhe propozicionet e garave të turneut. Për turne ndërkombëtare, klubi organizator, kërkesën për lejimin e turnesë duhet ta paraqesë së paku dy muaj e gjysmë para zhvillimit (fillimit) të turneut, kërkesës duhet bashkangjitur propozicionet e turneut dhe regjistrin e e pjesëmarrësve.

#### **Neni 45**

Për fillimin e ndeshjes ndërkombëtare në vend apo jashtë vendi duhet të ketë lejen e organit kompetent të futbollit.

Lejën nga al. 1 e këtij neni e jep Komiteti Ekzekutiv i FFK-së, respektivisht organi që e autorizon ai, dhe atë:

- a. Për ndeshjet e klubeve të Superligës, Ligës së parë dhe të dytë, lejen e jep Komiteti Ekzekutiv apo organi që e autorizon ai,
- b. Për ndeshjet e klubeve tjera si dhe për ekipe të të rinjve, kadetëve, pionerëve, pastaj për ndeshjet e klubeve të ligës së tretë, lejen e jep Komisioni i garave gjegjës.

Nëse leja kërkohet për periudhën kur zhvillohen ndeshjet kampionale apo për kupë, ndërsa me ato gara udhëheqin organet tjera, atëherë klubi është i obliguar që më parë të merr pëlqimin nga organi kompetent i cili udhëheq me gara.

FFK me rregullore të veçantë më për së afërmi përcakton kushtet për zhvillimin e ndeshjeve ndërkombëtare.

Në afat prej 8 ditëve nga dita e kthimit nga jashtë, klubi është i obliguar që organit i cili i ka dhënë lejen për shkuarje jashtë vendit, t'i paraqesë raport mbi qëndrimin jashtë vendit.

Nëse ndonjë lojtar është përjashtuar në ndeshjet jashtë vendi, klubi është i obliguar që në afat prej tri ditëve nga kthimi të paraqes raportin dhe deklaratën e përfaqësuesëve të klubit dhe lojtarëve të përjashtuar.

#### **Neni 46**

Lojtari i regjistruar në një klub mund të luajë si mysafir në ndeshje miqësore të klubit tjetër, vetëm nëse disponon lejen me shkrim të lëshuar nga klubi i vet.

#### **Neni 47**

Në turnetë ndërkombëtare dhe ndeshjet ndërkombëtare në klubet e vendit dhe të huaja, mund të luajnë si mysafirë lojtarët e klubeve tjera, por me pëlqimin e klubit të vet dhe lejen paraprake të organit kompetent të FFK-së.

Kundër lojtarit dhe klubit i cili nuk e respekton dispozitën e alinesë paraprake do të zhvillohet procedura dicipinore sipas dispozitave të FFK-së.

## Neni 48

Në ndeshjet ndërkombëtare reprezentative në vend dhe jashtë vendit, jashtë suazave të FFK-së (si reprezentacionet e studentëve, shkollave, të mesme, sindikatave etj) mund të luajnë edhe lojtarët e regjistruar-anëtarët e FFK-së të Superligës , ligës së I-rë , II-të dhe ligës U-19 , U-17 por vetëm me lejen paraprake të klubit dhe organit kompetent .

Lejën nga alinea paraprake e jep organi gjegjës kompetent:

- a. për lojtarë të ligës së parë dhe të dytë Komiteti Ekzekutiv i FFK-së respektivisht organi që e autorizon Komiteti Ekzekutiv,
- b. për lojtarë të ligës tretë dhe të tjerët, organi që udhëheq me gara në rangun në të cilin garon klubi i lojtarit i cili ushtron kërkesën.

Lojtarëve të huaj, klubi për të cilin janë regjistruar, duhet t'ua lejojë paraqitjen për reprezentacionin e tyre nacional, sipas Rregullorës mbi statusin dhe transferin e lojtarëve të FIFA-së.

## Neni 49

1. Në ekipin e U-19 (mosha 17 - 19 vjeq) të drejtë paraqitjeje, në edicionin e garave **2018-2019** kane lojtaret qe kane lindur me **01.01.2000** e me te rinj. Me te rinjet se 17 vjeq mund të aktivizohen me kontrollim special mjekësor i cili është i vërtetuar -vulosur në Lidhjet Rajonale respektivisht FFK.
2. Në ekipin e U-17 (mosha 15 - 17 vjeq) të drejtë paraqitjeje, në edicionin e garave **2018-2019** kane lojtaret qe kane lindur me **01.01.2002** e me te rinje. Me te rinjet se 17 vjeq mund të aktivizohen me kontrollim special mjekësor i cili është i vërtetuar -vulosur në Lidhjet Rajonale- FFK.
3. Në ekipin e U-15 (mosha 13 – 15vjeq) të drejtë paraqitjeje, në edicionin e garave **2018-2019** kane lojtaret qe kane lindur me **01.01.2004** e me te rinje. Me te rinjet se 13 vjeq mund të aktivizohen me kontrollim special mjekësor i cili është i vërtetuar -vulosur në Lidhjet Rajonale- FFK.
4. Në ekipin e U-13 (mosha 11 – 13 vjeq) të drejtë paraqitjeje, në edicionin e garave **2018 –2019** kane lojtaret qe kane lindur me **01.01.2006** e me te rinje. Me te rinjet se 11 vjeq mund të aktivizohen me kontrollim special mjekësor i cili është i vërtetuar -vulosur në Lidhjet Rajonale- FFK.
5. Në ekipin e U-11 (mosha 9 – 11 vjeq) të drejtë paraqitjeje, në edicionin e garave **2018-2019** kane lojtaret qe kane lindur me **01.01.2008** e me te rinje. Me te rinjet se

9 vjeq mund të aktivizohen me kontrollim special mjekësor i cili është i vërtetuar -vulosur në Lidhjet Rajonale- FFK.

6. Në ekipin e U-9 (mosha 7 - 9 vjeq) të drejtë paraqitjeje , në edicionin e garave 2018-2019 kane lojtaret qe kane lindur me 01.01.2010 e me te rinje. Me te rinjet se 7 vjeq mund të aktivizohen me kontrollim special mjekësor i cili është i vërtetuar -vulosur në Lidhjet Rajonale- FFK.

Nëse klubi luan në ndeshje publike me lojtar i cili nuk i plotëson kushtet e sipërsënuara, atëhere klubi dhe lojtari janë përgjegjës sipas dispozitave të Rregullores diciplinore të FFK-së, me atë që klubi do të bartë edhe pasojat tjera të parapara me këtë Rregullore.

### **Neni 50**

Lojtari nuk mund të luajë në ditën e njëjtë në dy ndeshje zyrtare.

Lojtaret e një klubi që garon në të njëjtën kategori me dy ekipe ( A,B ) nuk mund të luajnë në të njëjtin rang garash, pa kaluar nga njeri në tjetrin ekip ( A,B) në afatin kalimtar të lojtarëve veror apo dimëror.

Një ekip mundet që gjatë një sezoni futbollistik ti licencojë për gara maksimum 35 futbollist.

Nëse klubi luan në ndeshje publike me lojtarë i cili në ditën e njëjtë ka luajtur një ndeshje më parë, do të hapet procedura disiplinore kundër klubit dhe atij lojtari sipas dispozitave të Rregullorës disiplinore të FFK-së, si dhe, klubi do të bartë edhe pasojat tjera të parapara me këtë Rregullore, nëse kjo kundërvajtje është kryer në ndeshjen e garave të përhershme.

**Në garat e përhershme të FFK-së është lejuar paraqitja e numrit të përcaktuar të lojtarëve me shtetësi të huaj: të regjistruar dhe licencuar për një klub futbollit dhe me te drejtë paraqitje ne protokoll dhe të drejtë loje )**

**Për Superligë max 8 lojtarë të huaj mund të regjistrohen dhe licencohen kurse vetëm 6 prej tyre mund të paraqiten në protokollin zyrtar të ndeshjes me të drejtë loje. Për Ligën e parë 6 të regjistruar dhe licencuar, kurse 4 ( katër) prej tyre mund të paraqiten në protokollin zyrtar të ndeshjes me të drejtë loje ndërsa për Ligat e dyta dhe te kategoria e Juniorëve; 2 ( dy ) lojtarë shtetas të huaj për regjistrim – licencim , po aq edhe të paraqiten në protokoll me të drejtë loje.**

### **Neni 51**

Nëse me vendimin e organit kompetent është caktuar që të përsëritet ndeshja e garave të përhershme, në ndeshjen e re mund të luajnë të gjithë lojtarët që kanë të drejtë loje në ditën e zhvillimit të ndeshjes së re.

## **III/19. Vërtetimi i identitetit të lojtarëve**

### **Neni 52**

Në ndeshjet kampionale dhe për KUP mund të luajnë të gjithë lojtarët identiteti i të cilëve vërtetohet përmes ID kartelave , të lëshuara nga ana e organit kompetent për regjistrimin e lojtarëve, por në mungesë të ID Karteles, identiteti i tyre vërtetohet përmes letërnjoftimit apo

dokumentit të udhëtimit (pasaportës) dhe përjashtimisht lojtari fotografohet para fillimit të ndeshjes nga delegati.

Identitetin e lojtarëve dhe lojtarëve rezervë e vërteton delegati në praninë e përfaqësuesve të klubeve para fillimit të ndeshjes, ndërsa pas përfundimit të ndeshjes vetëm për ata lojtarë rezerve të cilët nuk kanë arritur në fillim të ndeshjes.

Mënyra e vërtetimit të identitetit për lojtarë të kategorisë së pionerëve dhe të rinjëve, të cilët për shkaqe të ndryshme nuk kanë **ID kartela** të futbollit apo letërnjoftime para ndeshjes, rregullohet me propozicionet e garave gjegjëse.

Përjashtimisht nga dispozitat në alinetë e sipërhënuara mund që në rrezik vetanak të angazhohë në ekip lojtarin i cili nuk e ka ID kartelën apo letërnjoftimin ose dokumentin e udhëtimit, por me kusht që identiteti i këtij lojtari të vërtetohet më së voni 15 min pas përfundimit të ndeshjes dhe ajo të konstatohet në protokollin e ndeshjes.

Me Propozicionet e garave gjegjëse mund të caktohet edhe mënyra plotësuese e vërtetimit të identitetit të lojtarit.

### **III/20. Kontrollimi mjekësor i lojtarëve**

#### **Neni 53**

Kontrollimi mjekësor është i obliguar të kryhet para fillimit të çdo sezone dmth. 2 herë në vit, çdo 6 muaj. Kontrollimi mjekësor për çdo gjysëm sezon është i obligueshëm edhe për ata lojtarë të cilët regjistrohen në mes të sezonit.

Afati i vlefshmërisë së kontrollit mjekësor për lojtarë të cilët në ditën e kontrollimit kanë 17 vjet, e më të rinj zgjatë 6 muaj.

Kontrollimi special mjekësor për lojtarë të rinj (U-19, U-17) që do të luajnë në ekipin e parë vlen 6 muaj. Me kontrollim mjekësor special derisa ai është i vlefshëm, lojtari mund të luaj në të gjitha ndeshjet, vetem nëse e ka në ID-kartelën me vërtetimin e lëshuar dhe e vulosur nga organi i Mjekësisë Sportive.

Lojtari i cili nuk është kontrolluar nga mjeku në afatin e caktuar ose të cilit i është ndaluar e drejta për lojë nga ana e mjekut ose gjendet në pushim mjekësor si dhe lojtarëve të cilëve pa kontrollimit mjekësor mjeku nuk i ka lëshuar vërtetimin mbi kryerjen e kontrollimit mjekësor, nuk mund të luaj (paraqitet) në ndeshjet publike.

Në raste të posaçme, lojtari për të cilin në mungesë të **ID karteles** së futbollit nuk mund të vërtetohet se e ka kryer kontrollimin mjekësor ose në mungesë të vërtetimit mbi kontrollimin mjekësor, klubi mund të angazhohë atë në ekip në përgjegjësi vetanake, me atë që në afatin prej 24 orëve nga përfundimi i ndeshjes t'ia dorëzoj organit garues **ID kartelen e futbollit** e cila dëshmon mbi kontrollimin mjekësor ku pa kurrfarë dyshimi mund të vërtetohet se lojtari ka pasur të kryer kontrollimin mjekësor të vlefshëm për ndeshjen e cekur kampionale ose KUP.

Ndaj delegatit të ndeshjes i cili lejon një gjë të tillë do të ngritet procedura disiplinore. Poashtu, procedurë disiplinore do të ngritet ndaj, lojtarit, klubit dhe zyrtarit i cili lejon paraqitjen e lojtarit në ndeshje që nuk kanë kontrollim mjekësor të kryer valid, konform rregullorës së garave.

Kontrollimi mjekësor i lojtarëve duhet të kryhet në institucionin shëndetësor sportiv (nëse ka) apo në institucione publike shëndetsore ose private nëse Komisioni Mjekësori FFK-së i pranon si të afta për kryerjen e kontrollimit mjekësor.

Klubet duhet të dorëzojnë pranë Komisionit mjekësor të FFK-së regjistrin e lojtarëve të cilët kanë kryer kontrollimin mjekësor, të atyre të cilët kanë rezultuar të aftë për gara dhe të atyre të cilët nuk kanë marrë lejen për garim nga Komisioni mjekësor.

Lojtarët të cilët gjatë kontrollimit mjekësor një herë kanë dalë si të pa aftë për gara duhet të bëjnë kërkesë Komisionit Mjekësor të FFK-së për përsëritje të procedurës së kontrollimit mjekësor dhe një gjë të tillë mund ta bëjnë vetëm pasi që komisioni të ketë lejuar rikontrollimin mjekësor. Në gara mund të mere pjesë pasi t'a ketë kaluar me sukses kontrollimin mjekësor.

Përsëritja e procedurës për rikontrollim mjekësor nuk mund të bëhet pa kaluar së paku 15 ditë nga dita e kontrollimit mjekësor.

Në të gjitha ndeshjet kampionale, për kup dhe lojë miqësore të të gjitha kategorive klubet janë të obliguara të kenë fizioterapeutin dhe mjekun e licencuar nga Ministria e Shëndetësisë.

Asnjë ndeshje e asnjë kategorie të futbollit në kuadër të FFK-së nuk mund të zhvillohet nëse njëri klub nuk e ka së paku fizioterapeutin ose mjekun prezent dhe të gatshëm për dhënje të ndihmës mjekësore.

Nëse klubi nuk posedon as mjekun as fizioterapeutin për dhënje të ndihmës mjekësore ndeshja nuk mund të zhvillohet ndërsa ekipi i tillë e humb ndeshjen me rezultat zyrtar.

Në raste të jashtëzakonshme kur për shkaqe të ndryshme as mjeku as fizioterapeuti nuk kanë arritur me kohë në stadium ata mund të priten më se shumti 15 minuta nga koha kur është dashur të zhvillohet ndeshja.

Delegati i ndeshjes duhet të shënojë saktë në protokol arësyen për vonesë ose për mos zhvillim të ndeshjes.

Kundër klubeve dhe lojtarëve të cilët shkelin dispozitat paraprake, do të inicohet procedura disiplinore sipas dispozitave të Rregullores disiplinore të FFK-së.

Si vërtetim zyrtar në kuptim të alinesë 1 dhe 3 të këtij neni konsiderohet vërtetimi i dhënë në bazë të regjistrit zyrtar mbi kontrollimin e kryer mjekësor.

Përrjashtim bëjnë kategoritë e reja (kadetë dhe më të rinj) ku ekipi nikoqir është i obliguar që të ketë mjekun apo fizioterapeutin e licencuar. Sugjerohet fuqishëm që edhe ekipi mysafir t'a ketë mjekun. Nëse ekipi vendas nuk e ka as mjekun e as fizioterapeutin e licencuar, atëherë humb ndeshjen me rezultat zyrtar.

#### **Neni 54**

Klubi nikoqir është i obliguar që të siguron shërbimin mjekësor në të gjitha ndeshjet publike të njoftoj me shkrim qendrën shëndetësore me të afërt për zhvillimin e ndeshjes.

Shërbimi mjekësor duhet të jetë i siguar së paku 30 minuta para fillimit të ndeshjes, respektivisht gjatë ndeshjes dhe 30 minutat pas përfundimit të ndeshjes

Klubet janë të obliguara që para fillimit të çdo sezoni në FFK të sjellin kartonat shëndetësor të lojtarëve me evidencë të kontrollës së kryer mjekësore në entet e mjekësisë sportive apo qendra tjera shëndetësore të konfirmuara dhe lejuara nga FFK-ja.

Ky rregull vlen edhe për ndeshjet e ekipeve të Juniorëve dhe kategorive tjera që bëjnë gara në kuadër të FFK-së.

#### **Neni 55**

Nëse në afat prej 30 minutave nga koha e caktuar për fillimin e ndeshjes të garave të përhershme, nuk paraqitet njëri ekip me numër të mjaftueshëm të lojtarëve, Gjyqtari do t'i komunikojë kapitenit të ekipit i cili është paraqitur, se ndeshja nuk do të zhvillohet dhe atë do të konstatojë në protokollin e ndeshjes.

Organi i cili udhëheq me gara ndeshjen do ta regjistrojë me rezultat zyrtar - 3:0 (parforfe) - nëse konstaton se mosardhja e ekipit në ndeshje është e paarsyeshme.

### **III/21. Moszhvillimi dhe ndërprerja e ndeshjes**

#### **Neni 56**

Nëse klubi nikoqir nuk e ka aftësuar terrenin për lojë për shkaqe të paarsyeshme para fillimit ose gjatë zhvillimit të ndeshjes, ndërsa Gjyqtari vendos që ndeshja nuk mund të fillojë ose ndeshja e ndërprerë të mos vazhdojë duhet të konstatohet në protokoll, se është përgjegjës sipas dispozitave të Rregullores disiplinore të FFK-së, ndërsa ndeshja regjistrohet me rezultat 3:0 (par-forfe) në të mirë të ekipit kundërshtar (nëse vërtetohet se ekipi nikoqir nuk ka ndërmarrë masat e duhura për zhvillimin e ndeshjes zyrtarete cilat janë shkaqe teknike jo fuqi madhore).

Nëse ndeshja e garave të përhershme, është ndërprerë për shkaqe të arësyeshme të cilat nuk kanë mundur të evitohen (koha e keqe, mjegulla, terri, zjarri, tërmeti etj), për çka vendos Gjyqtari, ndeshja do të zhvillohet ditën e nesërme në të njëjtën kohë (nëse ka kushte) nga ajo minutë në të cilën ka ardhur deri te ndërprerja e ndeshjes.

Ekipi i cili nuk paraqitet për zhvillimin e ndeshjes së re, të cilën e cakton organi kompetent, përgjigjet sipas dispozitave të Rregullores disiplinore të FFK-së, ndërsa ndeshja do të regjistrohet me rezultat 3:0 (par-forfe) në favor të kundërshtarit.

Vendimin mbi regjistrimin e ndeshjes me rezultat 3:0 (par-forfe) nga al. 1 dhe 4 e këtij neni e merr organi i cili udhëheq me gara, sipas detyrës zyrtare.

Nëse të dy ekipet pa arsye nuk paraqiten për zhvillimin e ndeshjes së re, konsiderohet se nuk janë të interesuara t'i vazhdojnë garat e mëtutjeshme, andaj bartin pasojat e parapara me akte të përgjithshme normative të FFK-së.

#### **Neni 57**

Ekipi i cili e lëshon terrenin, respektivisht ekipi i cili shkakton ndërprerjen e ndeshjes, duke përfshirë edhe ndërprerjen e ndeshjes që e ka shkaktuar lojtari i asaj ekipe, humbë ndeshjen me rezultat 3:0 (par-forfe), nëse deri te ndërprerja kundërshtari nuk ka arritur rezultat më të mirë.

Vendimi mbi regjistrimin e ndeshjes me rezultat 3:0 (parforfe) e merr organi i cili udhëheqë me gara, sipas detyrës zyrtare.

Ekipi i cili është shkaktar i ndërprerjes së ndeshjes, i nënshtrohet edhe masave ndëshkuese dicitpinore të parapara me Rregulloren dicitpinore.

### **Neni 58**

Nëse ndeshja është ndërprerë për shkak të incidentit, trazirave, numrit jo të mjaftueshëm të lojtarëve, mos respektimit të vendimit të Gjyqtarit për përjashtimin e lojtarit dhe largimin e tij prej terreni, etj. e poqëse vërtetohet se për ndërprerje të ndeshjes fajtor është njëri prej ekipeve pjesëmarrëse, ekskluzivisht apo në pjesën dërmuese, ndeshja do të regjistrohet me rezultat 3:0 (par-forfe) në favor të ekipit kundërshtar, me kusht që deri në ndërprerjen e ndeshjes nuk ka arritur rezultat më të mirë.

Nëse organi që udhëheqë me gara e vërteton se për ndërprerje të ndeshjes, nuk është fajtor asnjëri prej ekipeve pjesëmarrëse, respektivisht për ndërprerjen janë fajtor në mënyrë të barabartë të dy klubet dhe se organizatori i ndeshjes ka ndërmarrë të gjitha masat e parapara me dispozitat e FFK-së, rreth organizimit dhe sigurimit dhe rendi në ndeshje të rangut të caktuar të garave atëherë organi kompetent mund të vendos që të zhvillohet ndeshja e re ose ndeshja e ndërprerë të regjistrohet me rezultatin e arritur.

Në rast të ndërprerjes së ndeshjes për shkak të trazirave apo incidentit serioz, organi i cili udhëheqë me gara mund ta suspendojë ekipin fajtor që mos t'i zhvillojë ndeshjet e garave të përhershme në stadiumin e caktuar apo në stadiumet e territorit të caktuar.

### **III/22. Ndalesa për të luajtur për shkak të suspendimit dhe pasojat**

#### **Neni 59**

Ekipi i suspenduar respektivisht të gjithë lojtarët e klubit të suspenduar, nuk mund të luajnë në ndeshje publike derisa zgjatë suspendimi.

Të gjitha ndeshjet të cilat janë të parapara gjatë kohës së suspendimit të shqiptuar, e të cilat ekipi i suspenduar nuk i zhvillon për shkak se nuk i ka përmbushur obligimet që rrjedhin nga vendimet e plotëfuqishme të organeve kompetente të FFK-së, ose për shkak të mos përmbushjes së obligimeve tjera që rrjedhin nga vetë zhvillimi i garave, do të regjistrohen me rezultat 3: 0 (par-forfe) në favor të kundërshtarit.

Ndeshjet të cilat ekipi i suspenduar nuk ka mundur t'i zhvillojë gjatë kohës së suspendimit të shqiptuar, për shkak se duhet bërë vërtetimin e gjendjes faktike, e cila është e domosdoshme për marrjen e vendimit definitiv lidhur me ndonjë rast kontestues, nuk do të regjistrohen derisa mos të mirret vendimi definitiv. Pas marrjes së vendimit definitiv, klubi është i obliguar t'i zhvillojë ndeshjet sipas orarit që e përcakton organi kompetent për udhëheqjen me gara.

Nëse ekipi i suspenduar luan në ndeshje publike, atëherë ndaj tij do të inicetohet procedura disiplinore sipas dispozitave të Rregullores disiplinore, po ashtu klubi do të bartë edhe pasojat garuese nëse lidhur me ndeshjen e zhvilluar është ushtruar ankesa sipas dispozitave të kësaj Rregulloreje.

### **III/23. Tërheqja nga garat dhe fuzionimi i klubeve**

#### **Neni 60**

Nëse Klubi i futbollit, gjatë zhvillimit të Kampionatit me vetëdëshirë tërhiqet nga garat e metutjeshme, apo Komisioni i garave e largon për shkak të moszhvillimit të dy ndeshjeve



(për Senior) dhe tri ndeshjeve (për kategoritë e reja ), apo për arsye të tjera të parapara me Rregullore disiplinore, atëherë ai Klub do të fshihet nga garat e mëtutjeshme, kurse për ndeshjet e zhvilluara dhe ato që do të duhej t'i zhvillonte veprohet me sa vijon:

Nëqoftëse një ekip me vetëdëshirë largohet nga garat e mëtutjeshme apo Komisioni i garave e largon për shkak të moszhvillimit të dy ndeshjeve, atëherë ai ekip do të fshihet nga garat e mëtutjeshme, kurse për ndeshjet e zhvilluara dhe ato që do të zhvillonte do të veprohet kështu:

- Nëse klubi tërhiqet ose përjashtohet nga garat pasi që të ketë zhvilluar gjysmën e ndeshjeve apo më pak nga numri i përgjithshëm i ndeshjeve të parapara për tërë kampionatin, atëherë të gjitha ndeshjet e tij të zhvilluara anulohen.

- Nëse klubi tërhiqet apo përjashtohet nga garat pasi të ketë zhvilluar më tepër se gjysmën e numrit të përgjithshëm të ndeshjeve të parapara për atë kampionat, atëherë ndeshjet e tij të zhvilluara deri në atë moment do të regjistrohen me rezultate të arritura, ndërsa ndeshjet e mbetura deri në fund të kampionatit nuk do të zhvillohen dhe do të regjistrohen me rezultat zyrtar (3:0) në favor të kundërshtarëve të tij të ardhshëm të paraparë me kalendar të garave.

Ndeshje e zhvilluar në kuptim të këtij neni konsiderohet ndeshja e zhvilluar në fushë dhe e regjistruar me rezultat të arritur në fushë apo rezultat zyrtar (në rast të ankesës së aprovuar).

Nëse garat zhvillohen sipas sistemit të njëfishtë të pikëve, konsiderohet se klubi e ka zhvilluar gjysmën e ndeshjeve, nëse është paraqitur në mbi 50% të ndeshjeve nga numri i tërësishëm i ndeshjeve të parapara me orarin e rregullt të garave.

Nëse klubi i caktuar e fiton të drejtën për të hyrë në rang më të lartë të garave dhe nuk i plotëson kushtet e parapara me dispozita për atë rang të garave apo i njejti klub tërhiqet me vetë dëshirë, atëherë vendin në rangun më të lartë të garave ia lëshon klubit tjetër. Të drejtën për gara në rang më të lartë, të cilën nuk e shfrytëzon klubi që e zënë vendin e dytë e ka klubi që ka zënë një vend më poshtë se sa klubi që nuk e shfrytëzon këtë të drejtë.

Nëse para fillimit të kampionatit një klub nuk licencohet apo tërhiqet nga garat KE do të vendos për plotësimin e vendit të lirë apo mos plotësim dhe për nivelin e garimit të klubit që është tërhiqur nga garat apo që nuk është licencuar

Nëse gjatë zhvillimit të garave, për shkaqe të ndryshme tërhiqen apo largohen nga garat një apo më shumë ekipe të rangut të caktuar, atëherë ai rang i garave nuk do të plotësohet me ekipe të rangut më të ulët.

### **III/24. Fuzionimi i klubeve**

#### **Neni 61**

Fuzionimi i klubeve bëhet në Kuvendin e përbashkët të klubeve të interesuara të cilat më parë në kuvendet e tyre veç e veç janë deklaruar për fuzionim.

Fuzionimi kryhet para fillimit të kampionatit të ri, dhe atë më së voni 30 ditë para fillimit të pjesës vjeshtore. Klubet e fuzionuara duhet të gjejnë një emër ndryshe nga ai që kanë pasur para fuzionimit.

Klubi i cili është rezultat i fuzionimit, pas fuzionimit mbanë të drejtat e ekipit më të mirë të plasuar (të klubeve të fuzionuara), si të ekipit të seniorëve, juniorëve, kadetëve, pionerëve, veç e veç për secilën garë në të cilën kanë garuar ekipet gjegjëse të klubeve të fuzionuara. E drejta e paraqitjes dhe mënyra e regjistrimit të anëtarëve (deri në momentine fuzionimit) të klubeve të fuzionuara, përcaktohen me Rregulloren mbi regjistrimin e klubeve dhe lojtarëve.

#### **Neni 62**

Klubi i cili tërhiqet nga garat kampionale bjen në rang më të ulët të garave, pa marrë parasyshë rezultatet e arritura në gara deri në momentin e tërheqjes.

Konsiderohet se klubi (senior) është tërhequr nga garat, nëse me fajin e vetë nuk i ka zhvilluar dy ndeshje të asaj gare, gjatë një viti garues, ndërsa në kategoritë e reja kjo vlen pas tri ndeshjeve.

Ekipet të cilat tërhiqen nga garat e të cilat i takojn kategorisë më të ulët të garave të FFK-së, nuk mund të regjistrohen sërish në të njëtin rang të garave së paku 1 vjet.

Ndaj klubit i cili tërhiqet nga garat, inicohet procedura disiplinore sipas dispozitave të Rregullorës disiplinore të FFK-së.

### **III/25. Fshirja e klubit nga garat**

#### **Neni 63**

Klubi obligohet që detyrimet e veta, të cilat burojnë nga Propozicionet e garave dhe aktet tjera normative të FFK-së, t'i përmbushë në afatet të cilat përcaktohen me aktet normative.

Përgjashtimisht në rastet posaçërisht të arsyeshme, organi i cili udhëheq me gara, mund t'i shtyjë (prolongojë) afatet për përmbushjen e detyrimeve, mirëpo gjithësesi duke pasur kujdes që detyrimet e klubeve nga një sezon garues duhet të përmbushën me së voni 30 ditë para fillimit të garave në sezonin tjetër. D.m.th. detyrimet nga sezoni vjeshtor duhet të përmbushen më se voni 30 ditë para fillimit të sezonit pranveror, ndërsa detyrimet e stinorit pranveror më se voni 30 ditë para fillimit të vitit të ri garues.

Klubi i cili nuk vepron në pajtim me dispozitat e alinesë së lartëshënuar, me vendimin e organit kompetent garues do të fshihet nga garat e mëtejme, ndërsa nëse është fjala për detyrimet nga pjesa pranverore e kampionatit, nuk do t'i lejohet pjesëmarrja në garat e reja.

#### **Neni 64**

Ekipi i cili e fiton ndeshjen në garat kampionale inkason 3 pikë, kurse nga ndeshja rezultati i të cilës është i barabartë, secili klub inkason nga një pikë.

Për secilën garë të përhershme e cila zhvillohet sipas sistemit të pikëve, përpilohet (mbahet) tabela.

Tabela përmban: emrat e ekipeve, numrin e ndeshjeve të zhvilluara, rezultatet e arritura në këto ndeshje, numrin e pikëve të fituara dhe numrin e golave të shënuara respektivisht të pranura (pësuar).

- Plasmani i ekipeve në tabelë caktohet në bazë të pikëve të fituara. Plasman më të mirë siguron ekipi i cili ka fituar më shumë pikë.
- Nëse ekipet që kanë plasman të barabartë në tabelë, e garojnë për kreun e tabelës (titullin e kampionit), daljen në gara ndërkombëtare, largimin në rang më të ulët, garojnë për barazh (mbetje, hyrje në ligë): do te merret për bazë rezultati dhe golaverazhi në takimet e ndërsjellta;
- Nëse ekipet kanë plasman të barabartë edhe në takimet e ndërsjellta atëherë mirren për bazë golat e shënuara ne kampionat gjegjësisht cili ekip ka shënuar më shumë gola;
- Nëse ekipet i kanë edhe golat e shënuar gjate kampionatit të barabartë, atëherë merren për bazë golat e shënuar si mysafir gjate kampionatit.

Nëse edhe në këtë në mënyrë nuk mund të vërtetohet plasmani atëherë zhvillohen ndeshje në mes të ekipeve dhe atë:

- Një ndeshje në fushën neutrale (nëse janë dy ekipe) që e cakton KE, e nëse pas 90 min, rezultati është i barabartë pasojnë shtyerja 2x15 min. e në rast rezultati të barabartë pasojnë penaltitë.
- Tri ndeshje me sistem të pikëve të njëfishta në terren neutral, nëse janë në kombinim 3 ekipe,
- Numër i nevojshëm i ndeshjeve në sistem të njëfishtë të pikëve, në terren neutral, nëse janë në kombinim 4 ose më teper ekipe.

Nëse ekipet e theksuara në alinetë paraprake arrijnë marrëveshje ndermjet veti, në vend të zhvillimit të këtyre ndeshjeve, çështjen e fituesit mund ta përcaktojnë edhe me short, të cilin do ta udhëheq organi kompetent i garave.

## **Neni 65**

### **Përfaqësimi i ekipeve ne Garat Ndërkombëtare:**

Ekipi i cili shpallet kampion në garat kampionale përfaqëson Kosovën në garat e UEFA-së (Liga e kampionëve).

Ekipi nënkampion apo edhe më poshtë i klasifikuar mund të merr pjesë në garat e UEFA-s nëse mundësohet kjo nga UEFA në bazë të koeficientit zyrtar për pjesëmarrje.

Ekipi i cili shpallet fitues i Kup-ës së Kosovës, përfaqëson Kosovën në garat UEFA Euroligë;

Nëse Ekipi fitues i KUP-ës së Kosovës, për shkaqe të ndryshme nuk e perfaqeson Kosoven (nuk licenohet për garat e UEFA Euroligës, atëherë zëvendësohet me ekipin e radhës (që nuk është pjesëmarrës i garave të UEFA-s) që ka plasmanin më të mirë respektiv ne

kampionatin e rregullt të Kosovës, e jo finalisti i KUP-ës, me kusht që të jetë i licencuar paraprakisht për garat e UEFA-s.

### **III/26. Sistemi i KUP-ës:**

#### **Neni 66**

Nëse ndeshja e zhvilluar me KUP-sistem të njëfishtë pas kalimit të kohës së rregullt përfundon me rezultat të barabartë do të zhvillohen vazhdimet. Nëse edhe pas kësaj rezultati është i barabartë atëherë zhvillohen vazhdimet 2 x 15 minuta.

Nëse edhe këtu ka rezultat të barabartë, atëherë fituesi do të përcaktohet pas ekzekutimit të penalltive.

Ekzekutimi i penalltive bëhet në mënyrë të paraparë me Bordin Ndërkombëtar - sipas udhëzimeve për ekzekutimin e penalltive për përcaktimin e fituesit në garat eliminuese.

#### **Neni 67**

Në ndeshjet të cilat zhvillohen sipas sistemit të dyfishtë, fitues bëhet ekipi i cili në dy ndeshje ka më shumë pikë.

Nëse të dy ekipet pas përfundimit të dy ndeshjeve kanë rezultat të njëjtë dhe kanë shënuar numër të njëjtë të golave, për gara të mëtutjeshëm plasohet ekipi i cili ka shënuar më shumë gola si mysafir.

Nëse edhe në pikëpamje të golave të shënuara si mysafir ekipet janë të barabarta, atëherë për plasman në xhiron e ardhshme do të vendoset me vazhdime e nëse edhe këtu janë të barabartë (pa gola), ekzekutohen penalltitë. Në lojën shtesë 2 x15 min. vlen përparësia e golit të shënuar si mysafir.

#### **Neni 68**

Edhe në ndeshjen FINALE të KUP-ës së futbollit të Kosovës apo atë të Super Kupës, nëse rezultati mbetet i barabartë, do të luhen vazhdimet (dy herë nga 15 minuta). Nëse edhe pas vazhdimeve rezultati është i barabartë, fituesi i KUP-ës do të përcaktohet me ekzekutimin e penalltive.

Ekzekutimi i penalltive do të bëhet në mënyrën e paraparë me Rregulloren e IFAB të UEFA-s.

### **III/27. Regjistrimi i ndeshjes**

#### **Neni 69**

Nëse pas ndeshjes nuk ushtrohet ankesa, e as nuk ekziston baza për regjistrimin e ndeshjes me rezultat zyrtar 3:0 (par-forfe), ndeshja do të regjistrohet me rezultatin e arritur në terren.

Organi i cili udhëheq me gara i regjistron ndeshjet në afatin e paraparë me Propozicionet e garave gjegjëse, por nuk mund t'i regjistrojë ndeshjet para se të kalojë afati për ushtrimin e ankesës.

### **III/28. Ankesa ndaj ndeshjes së zhvilluar**

#### **Neni 70**

Mbi rregullsinë e ndeshjes së garave të përhershme mund të vendoset në bazë të ankesës së klubit të dëmtuar ose sipas detyrës zyrtare të organit i cili udhëheq me gara. Me klub të dëmtuar në kuptim të alinesë së parë të këtij neni, nënkuptohet klubi i cili është i dëmtuar me rezultat të ndeshjes, ndaj të cilës ushtrohet ankesa.

Ankesa mbi të gjitha bazat duhet të paralajmërohet në Protokolin e ndeshjes, në mënyrë telegrafike në afat prej 24 orëve, nga përfundimi i ndeshjes ndërsa arsyetimi në dy kopje me dëshminë mbi taksën e paguar, duhet të dorëzohet me afat prej 48 orëve nga përfundimi i ndeshjes.

Nëse afati për ushtrimin e ankesës skadon në ditën e dielë ose në ditën e festes shtetërore, afati për ushtrimin e ankesës vazhdon edhe në ditën e parë të ardhshme të punës.

Paralajmërimi jo me kohë i ankesës, ushtrimi jo me kohë si dhe ankesa e pataksuar apo e taksuar jo në tërsi do të hudhet poshtë. Dispozita më të afërta mbi zhvillimin e procedurës në bazë të ankesës i parashohin Propozicionet e garave.

#### **Neni 71**

Në situatë të jashtëzakonshme (gara e KUP-ës, ndeshjet e dy xhirove të fundit etj), me Propozicionet e garave mund të parashihet procedure e posaçme në bazë të ankesës e kjo do të thotë, mund të parashihet që paralajmërimi, ushtrimi dhe vendosja mbi ankesën të bëhet në afate më të shkurtëra.

Kur xhirot zhvillohen të dielen dhe të mërkurën atëherë kompletimi i lëndës së ankesës dhe taksimi i saj duhet të bëhet brenda 24 orëve nga përfundimi i ndeshjes së zhvilluar. Nëse afati për ushtrimin e ankesës skadon në ditën e dielë ose në ditën e festës shtetërore, afati për ushtrimin e ankesës vazhdon edhe në ditën e parë të ardhshme të punës.

Organi që udhëheq me garat është i obliguar që të shqyrtojë dhe vendos ankesën e paraqitur para fillimit të gjiros së radhës, qoftë kampionale apo e kupës.

#### **Neni 72**

Për çdo Ankesë duhet vendosur më së voni në afat prej 8 ditëve nga dita e pranimit të saj. Përjashtim bëjnë rastet kur marrja e vendimit mbi ankesë mvaret nga ndonjë vendim tjetër, të cilin duhet ta marrë një organ tjetër kompetent. Vendosja mbi ankesë do të shtyhet derisa të sigurohet vendimi definitiv i organit kompetent, por jo më larg se 15 ditë.

Nëse organi i shkallës së parë nuk vepron në kuptim të alinesë së lartshënuar, konsiderohet sikurse ankesa të mos ishte aprovuar, andaj ushtruesi i ankesës ka të drejtë që t'i drejtohet shkallës së dytë pas kalimit të 15 ditëve nga dita e protokolimit të ankesës së shkallës së parë. Pas këtij afati pala ankuese ka 8 dite kohë për ushtrimin e ankesës shkallës së dytë.

### **Neni 73**

Për ankesat lidhur me garat e përhershme, në shkallë të parë vendosin organet të cilat udhëheqin me gara gjegjësisht Komisioni i Garave.

Mbi ankesat në vendimet e organeve nga alinea paraprake, vendosin organet e parapara me Propozicionet e garave, gjegjësisht Komisioni mbi ankesa (shkalla e II-të).

Afati i rregullt për ushtrimin e ankesave kundër vendimit të organit të shkallës së parë, është 8 (tetë) ditë nga dita e pranimit të vendimit.

### **Neni 74**

Vendimi i shkallës së dytë duhet të mirret më së largu në afat prej 8 ditëve nga dita e protokollimit të ankesës.

Nëse organi i shkallës së dytë nuk vepron në kuptim të alinesë 1 të këtij neni, pala e pakënaqur ka të drejtë që pas 15 ditëve nga dita e protokollimit të ankesës t'i drejtohet Komitetit Ekzekutiv) KE për mbrojtjen e Rregullorës, duke konsideruar se nuk është aprovuar ankesa.

Komiteti Ekzekutiv duhet që të merr Vendim për çështjen më së largu 30 ditë nga ushtrimi i kërkesës për mbrojtje të Ligjshmërisë.

Ndaj vendimit të KE apo mosmarrjes së Vendimit me kohë nga ana e KE-së, pala e pakënaqur mund t'i drejtohet Arbitrazhit sportiv të KOK jo më larg se 60 ditë nga dita e protokollimit të kërkesës në KE.

### **Neni 75**

Pas fletëparaqitjes së drejtpërdrejtë apo indirekte të klubit të dëmtuar, pastaj fletëparaqitjes së vëzhguesit apo Gjyqtarit të ndeshjes, organit apo organizatës së futbollit, si dhe siupas detyrës zyrtare, organi që udhëheqë me gara do të regjistrojë ndeshjen me rezultat zyrtar 3:0 (parforfe) në dëm të klubit i cili ka bërë njëren prej kundërvajtjeve të cekura, respektivisht edhe me marrjen e një pike nga pikët e fituara, nëse ka kryer së paku dy nga këto kundërvajtje:

1. është paraqitur me lojtar i cili sipas dispozitave të kësaj Rregulloreje, nuk nuk është i moshës përkatëse (adekuate) për të luajtur për ekipin gjegjës.
2. ka luajtur me lojtar për të cilin nuk është paguar anëtarësia për vitin garues rrjedhës vitin që është në vijim e sipër).
3. ka luajtur me lojtar i cili nuk i përmbush kushtet e parapara me këtë Rregullore lidhur me kontrollimin mjekësor,
4. ka luajtur me lojtar i cili ditën e njejtë ka luajtur edhe në një ndeshje tjetër dhe ajo nuk lejohet me këtë rregullore..

Nëse të dy klubet kanë bërë nga një kundërvajtje atëherë dy klubeve u mirret nga një pike, ndërsa ndeshja e zhvilluar nuk regjistrohet me rezultatin e arritur, por e njejtja duhet të përseritet.

Nëse është në pyetje kundërvajtja në ndeshjen për kupë, atëherë ekipi i cili ka bërë kundërvajtjen eliminohet nga garat që dmth ekipi kundërshtar kualifikohet për garat e mëtutjeshme.

Nëse në dy klubet në atë ndeshje kanë kryer nga një kundërvajtje të cekur më lartë, atëherë të dy klubet do të eliminohen nga garat e mëtutjeshme.

Nëse në ndeshjet për kupë, me ardhje-vajtje, ndeshja e pare, për çfarëdo arsyeje regjistrohet me rezultat zyrtar (3:0), takimi i kthimit nuk luhet fare. Nëse kjo ngjanë në ndeshjen e dytë, atëherë ekipi i cili e humb me rezultat zyrtar (0:3), eliminohet nga garat e mëtutjeshme, pavarësisht nga rezultati i takimit të pare.

#### **Neni 76**

Në bazë të ankesës së ushtruar të klubit të dëmtuar do të mirret vendim mbi regjistrimin e ndeshjes me rezultat 3:0 (par-forfe) në favor të tij, nëse nuk ka arritur rezultat më të mirë dhe atë po qe se klubi kundërshtar:

1. ka luajtur me lojtar i cili nuk është i regjistruar për këtë klub.
2. ka luajtur me lojtar i cili në atë ndeshje nuk ka pasur të drejtë loje.
3. ka luajtur me lojtar, identiteti i të cilit nuk është vërtetuar sipas dispozitave të kësaj Rregulloreje.
4. ka luajtur me lojtar për të cilin me vendim definitiv të shkallës së dytë të organit kompetent për regjistrimin e lojtarëve, është vërtetuar se është regjistruar me zbatimin jo të rregullt të dispozitave të akteve mbi regjistrimin, ose në bazë të të dhënave jo të sakta.

Marrja e vendimit nga alinea paraprake, nuk ka vend nëse regjistrimi i lojtarit është vërtetuar me vendim definitiv të shkallës së dytë të organit kompetent për regjistrim të lojtarëve. Pa marrë parasysh se është në zhvillim e sipër procedura sipas Kërkesës për mbrojtjen e rregullores mbi regjistrimin e lojtarëve.

Komisioni për vërtetimin e regjistrimit i Komitetit ekzekutiv të FFK-së është organ i shkallës së dytë, i cili vendos mbi ankesat lidhur me regjistrimin e lojtarëve të FFK-së.

5. Ka luajtur me lojtar të regjistruar mirë por i cili nuk i plotëson kushtet sipas Propozicioneve të garave gjegjëse.
6. Ka luajtur me lojtar i cili gjendet nën dënim të ndalesës së lojës apo suspendim ose vetë ekipi është nën suspendim.
7. Ka luajtur me lojtar i cili nuk është shënuar në Protokol para fillimit të ndeshjes.
8. Ka zëvendësuar (ndërruar) më shumë lojtarë në atë ndeshje se sa që lejojnë dispozitat e kësaj Rregulloreje.
9. Ka luajtur me lojtar i cili më parë është zëvendësuar (ndërruar) në atë ndeshje.
10. Ka luajtur me lojtar i cili është i regjistruar përveç në atë klub edhe në ndonjë klub tjetër (pra ka dy regjistrime).

Organi i cili udhëheq me gara, përveç regjistrimit të ndeshjes me rezultat zyrtar, është i obliguar që edhe të inicojë procedurën disiplinore para organit kompetent, kundër klubit dhe lojtarit.

#### **Neni 77**

Në bazë të ankesës së ushtruar të klubit të dëmtuar do të anulohet ndeshja dhe do të caktohet përsëritja e saj (ndeshja e re), në këto raste:

1. Nëse klubi kundërshtar ka luajtur me lojtar i cili sipas dispozitave të nenit 76 e kësaj Rregulloreje nuk ka pasur të drejtë loje, ndërsa organi që udhëheqë me gara ka vërtetuar, se për këtë rrethanë klubi nuk ka pasur kurfar faji, dhe se klubi nuk ka

pasur dijëni e as që ka mundur të dijë për faktet të cilat e kontestojnë rregullësinë e regjistrimit dhe paraqitjen e lojtarit kontestues.

2. Nëse klubi kundërshtar ka luajtur me lojtarin ose ekipin i cili është i dënuar me ndalesë loje ose është i suspenduar me vendimin e organit kompetent disiplinor, e për këtë nuk është i informuar me shkrim ose me telegraf, ashtu siq e parashohin dispozitat e Rregullores disiplinore, ose ka luajtur me lojtar i cili është nën dënim apo suspendim e që e ka ndërruar klubin, ndërsa kjo masë disiplinore nuk i është shënuar me fletëregjistrim dhe në librezë të futbollit, e klubi për të cilin ka luajtur ky lojtar nuk është informuar në mënyrë të rregulltë për këtë fakt.

Për suspendim të menjëhershëm të shkaktuar më përjashtimin e lojtarit nga loja dhe dënim të menjëhershëm të shkaktuar për shkak të vërejtjeve publike të referit, nuk është e nevojshme të informohet me shkrim e as me telegraf klubi në ekipin e të cilit është kryer kundërvajtja, sepse përjashtimet dhe vërejtjet publike regjistrohen në protokoll të ndeshjes më të cilin gjithësesi disponon klubi.

3. Nëse vërtetohet se si njëri, ashtu edhe klubi tjetër kanë luajtur nën rrethana nga neni 76 i kësaj Rregulloreje.
4. Nëse klubi kundërshtar ka luajtur në ndeshjet e pionerëve, kadetëve apo juniorëve me lojtar moshë e të cilit është më e vjetër, që të luaj në këto ekipe dhe nëse vërtetohet se klubi nuk e ka ditur e as që ka pasur mundësi të dijë për këtë fakt.
5. Nëse referi nuk ka zbatuar ose gabimisht e ka zbatuar ndonjërin prej dispozitave esenciale të Rregullave të lojës së futbollit dhe vendimet e Bordit Ndërkombëtar dhe Komitetit ekzekutiv të FFK-së, ndërsa kjo shkelje e dispozitës ka ndikuar në epilogun përfundimtar të ndeshjes. Këto dispozita i parasheh në mënyrë më të përafërtë neni 88 i kësaj Rregulloreje.

Nëse deri të anulimi i ndeshjes vjen për shkak të kundërvajtjes që parashohin pikat 1, 2, 3 dhe 4 të këtij neni, organi i cili udhëheq me gara është i obliguar që organit kompetent disiplinor t'i ushtrojë përveç tjerave edhe fletëparaqitjen për atë lojtar.

Në rast të anulimit të ndeshjes për shkak të kundërvajtjes nga pika 3 e këtij neni, përveç procedurës kundër lojtarit që parashihet me dispozitat e alinesë paraprake, organi që udhëheq me gara duhet të inicojë edhe procedurën disiplinore kundër klubit sipas dispozitave të Rregullores disiplinore.

Në rast të anulimit të ndeshjes për shkak të bazës të paraparë në pikën 5 të këtij neni organi i cili udhëheq me gara është i obliguar që organit kompetent disiplinor t'i ushtrojë fletëparaqitje kundër referit.

### **Neni 78**

Shkelja esenciale e Rregullave të lojës së futbollit dhe vendimeve të Bordit Ndërkombëtar dhe të Komitetit ekzekutiv të FFK-së (në tekstin e më tutjeshëm RREGULLAT E LOJËS), ekziston nëse Gjyqtari nuk e ka zbatuar ose gabimisht e ka zbatuar ndonjë dispozitë, me çka ka ndikuar drejtpërdrejtë në epilogun përfundimtar të ndeshjes, po qe se ai vendim nuk trajtohet në sferën e bindjes së lirë të Gjyqtarit.

Të gjitha vendimet që janë marrë në bazë të bindjes së lirë të Gjyqtarit ("sipas mendimit të GJYQTARIT", "nëse Gjyqtari mendon", "sipas bindjes së Gjyqtarit), nuk mund të futen nën kuptimin e shkeljes esenciale të dispozitave të Rregullave të lojës.



### **Shkelja esenciale e dispozitave të Rregullave të lojës ekziston:**

1. Nëse ndeshja kampionale ose për kupë (në tekstin e mëtutjeshëm: ndeshjen) e drejton Gjyqtari i cili nuk është i deleguar nga organi kompetent, respektivisht nuk është vepruar sipas dispozitave të nenit 23 të kësaj Rregulloreje dhe dispozitave të Propozicioneve të garave gjegjëse.
2. Nëse ndeshja zhvillohet në terren, dimensionet e të cilit nuk janë në pajtim me dispozitat e nenit 31 dhe 32 të kësaj Rregulloreje, me atë që klubi i cili e ka ushtruar ankesën, për një gjë të tillë Gjyqtarit i ka bërë kundërshtim me shkrim para fillimit të ndeshjes.
3. Nëse ndeshja është zhvilluar me më shumë se 11 lojtarë ose me më pak se 7 lojtarë.
4. Nëse pjesa e ndeshjes sipas orës së Gjyqtarit ka zgjatur më shumë se 45 minuta, e që nuk ka qenë në pyetje kompensimi i kohës dhe për atë kohë të vazhduar është shënuar goli i cili ka ndikuar drejtpërdrejt në epilogun përfundimtar të ndeshjes,
5. Nëse nga gjuajtja e lirë indirekte është shënuar gol, të cilin referi e ka pranuar e që ka pasur ndikim të drejtpërdrejtë në epilogun përfundimtar të ndeshjes.
6. Nëse gjatë hedhjes së topit me dorë në lojë (nga auti), lojtari e ka hedhur atë në portë (rrjetë) pa e prekur askush tjetër, kurse Gjyqtari e ka pranuar këtë gol, i cili ka pasur ndikim të drejtpërdrejtë në epilogun përfundimtar të ndeshjes.
7. Nëse me rastin e lëshimit të topit nga dora e Gjyqtarit ("topi i Gjyqtarit"), topi ka hyrë në portë (në rrjetë), kurse Gjyqtari e ka pranuar këtë gol i cili ka ndikuar drejtpërdrejtë në epilogun përfundimtar të ndeshjes.

#### **Neni 79**

Nëse ankesa ka të bëjë vetëm me parregullsitë e shkaktuara gjatë ekzekutimit të penalltive, me të cilat përcaktohej fituesi i ndeshjes pas zhvillimit të ndeshjes respektivisht edhe të vazhdimeve dy herë nga 15 minuta, atëherë organi kompetent nëse vërteton parregullsinë mund të bjen vendim vetëm për ekzekutimin e sërishëm të penalltive, e jo edhe për përsëritjen e ndeshjes, po qe se loja e rregullt respektivisht vazhdimet dy herë nga 15 minuta janë zhvilluar sipas Rregullave të lojës.

Nëse me rastin e shqyrtimit të ankesës vërtetohet, se Gjyqtari gjatë zhvillimit të vazhdimeve të ndeshjes dy herë nga 15 minuta, ka bërë shkelje esenciale të Rregullave të lojës, e cila shkelje ka ndikuar drejtpërdrejt në epilogun përfundimtar të ndeshjes, ndeshja do të përsëritet dhe do të caktohet termini i ri për zhvillimin e saj.

### **III/29. Anulimi i ndeshjes sipas detyrës zyrtare**

#### **Neni 80**

Ndeshja do të anulohet sipas detyrës zyrtare ndeshja do të caktohet zhvillimi i saj i sërishëm, po qe se vërtetohet se Gjyqtari i shtyrë nga motivet amorale ka ndikuar në epilogun përfundimtar të ndeshjes, e cila ju ka besuar ta referojë.

Deri te anulimi i ndeshjes mund të vjen në bazë të vendimit të plotfuqishëm të gjykatës kompetente për vepër penale dhënia dhe marrja e mitos ose vendimit të plotfuqishëm të

organit kompetent disiplinor për këtë vepër ose për vepër tjetër amorale të paraparë me aktet e përgjithshme normative e FFK-së.

Anulimi sipas kësaj baze mund të bëhet deri në përfundim të periudhës garuese.

Inicimi i procedurës sipas fletparaqitjes apo detyrës zyrtare nga ana e organit kompetent garues, ka vend vetëm në kusht që vendimi i plotfuqishëm nga aliena paraprake është bërë i plotfuqishëm deri në fund të periudhës garuese.

Me përfundim të periudhës garuese në kuptim të këtij neni, nënkuptohet dita kur organi kompetent garues e ka vërtetuar tabelën përfundimtare të garave gjegjëse.

Anulimin e ndeshjes mund ta bëjë organi që udhëheq me garat dhe nëse konstatohet se klubet kanë kurdisur rezultatin dhe organet gjegjëse hetimore dhe gjyqësore kanë vërtetuar një gjë të tillë. Kurdisje konsiderohet edhe dhënja e mitos lojtarëve, trajnerëve dhe zyrtarëve të klubeve për arritjen e rezultatit të dëshiruar me anë të mitos.

Nëse nga ana e organit kompetent vërtetohet se të dy klubet kanë marrë pjesë në kurdisjen e rezultatit, e njëjta do të regjistrohet si ndeshje e luajtur, rezultati i saj nuk do të regjistrohet gjegjësisht pikët dhe golat e shënuara nuk do të regjistrohen në tabelën e klasifikimit por që ndaj klubeve do të inicohet procedura disiplinore dhe do të dënohen sipas Rregullores disiplinore të FFK-së.

Nëse nga personat e tretë apo klubi i tretë bëhet kurdisja e rezultatit të ndeshjes në të cilën merr pjesë vetëm njëri klub-pjesëmarrës në ndeshje, rezultati i asaj ndeshjeje do të anulohet, do të caktohet ndeshja e redhe klubi fajtor do të dënohet sipas dispozitave disiplinore të FFK-së.

Dhënja e premive për fitore nuk konsiderohet mito.

Ndaj të gjithë atyre që janë të involvuar në kurdisje të rezultateve do të inicohet procedura disiplinore.

### **III/ 30. Respektimi i sponzorit**

#### **Neni 81**

FFK është pronare e të drejtave televizive dhe të tjera të lidhura me to.

Federata e Futbollit e Kosovës ka të drejtë të kërkojë sponzorë për çdo ligë veç e veç.

Në bazë të detyrimeve të dyanshme mes sponzorit të ligës përkatëse dhe FFK-së, klubet e rangut përkatës kanë obligim respektimin e lëndës së marrëveshjes, e cila i lehtëson klubet.

Klubi i cili nuk i respekton obligimet e përcaktuara mes sponzorit të ligës dhe FFK-së, do të dënohet në bazë të Rregullores disiplinore.

### **IV. DISPOZITAT E POSAÇME**

#### **IV/1. Mbrojtja e Rregullores**

#### **Neni 82**

Ne baze të nenit 84 të kësaj Rregulloreje, pos klubit të dëmtuar, komisioni për akte normative i Komitetit Ekzekutiv të FFK-së (me vetëiniciativë apo me propozimin e subjekteve të interesuara) kur vlerëson se janë shkelur dispozitat e kësaj Rregulloreje, mund të ushtrojë Kërkesën për mbrojtjen e Rregullores mbi garat e futbollit.

Komisioni për akte normative i Komitetit Ekzekutiv të FFK-së e ushtron kërkesën për mbrojtjen e kësaj Rregulloreje në rastet kur janë në pyetje vendimet që i kanë marrë organet e Komitetit Ekzekutiv, respektivisht organet tjera, e që kanë të bëjnë me klubet e të gjitha rangjeve të garave të Kosovës, si dhe kur është fjala për vendimet e paharmonizuara të dy apo më shumë organeve ekzekutive të tij.

Kërkesa për mbrojtjen e Rregullores së garave të futbollit, mund të ushtrohet në afat prej 15 ditësh nga dita e marrjes së vendimit.

Kërkesa i ushtrohet me shkrim Komitetit Ekzekutiv të FFK-së, përmes organit i cili ka marrë vendimin definitiv.

Nga Kërkesa për mbrojtjen e Rregullores nuk mund të hiqet dorë, nëse sipas propozimit të organit kompetent ka filluar procedura e paraparë me dispozitat e kësaj Rregulloreje.

### **Neni 83**

Për Kërkesën mbi mbrojtjen e Rregullores së garave të futbollit vendos Komiteti Ekzekutiv i FFK-së. Nëse organi kompetent nga alinea paraprake e vërteton se Kërkesa për mbrojtjen e rregullores mbi garat e futbollit është e bazuar, atëherë do të marr vendim mbi prishjen e vendimit të atakuar përfundimtar, duke ia kthyer lëndën organit kompetent (Komisionit për ankesa të shkallës së II-të), që sërish të vendosë për atë lëndë.

Nëse Komiteti Ekzekutiv i FFK-së e sheh të arësyeshme, atëherë do të vendos vetë për atë lëndë.

Vendimi i Komitetit Ekzekutiv nga linea paraprake, nuk mund të atakohet me asnjë mjet juridik.

### **Neni 84**

Komiteti Ekzekutiv i FFK-së pas shqyrtimit të Kërkesës për mbrojtjen e Rregullores, mund të vendos që ta prish vendimin duke ia kthyer lëndën në shqyrtim të sërishëm organit kompetent, i cili është i obliguar që të ndër marrë veprimet konkrete për t'i shqyrtuar të gjitha ato çështje për të cilat i ka sugjeruar Komiteti Ekzekutiv i FFK-së.

Nëse rastet kur organi të cilit i është kthyer lënda në shqyrtim, nuk vepron sipas vërejtjeve dhe sygjërimeve të Komitetit Ekzekutiv të FFK-së, atëherë ky organ (Komiteti Ekzekutiv) për këtë lëndë do të vendos sipas detyrës zyrtare.

### **Neni 85**

Nëse Komiteti Ekzekutiv i FFK-së, e vërteton në çfarëdo mënyrë, se organet kompetente për zbatimin e kësaj Rregulloreje, nuk i kanë përfilluar dispozitat e kësaj Rregulloreje si në aspektin material ashtu edhe në atë procedural gjatë vendosjes mbi çështjet e caktuara në garat e futbollit, atëherë Komiteti Ekzekutiv ka të drejtë që sipas detyrës zyrtare të marrë vendimin definitiv mbi atë çështje, kurse ndaj anëtarëve të organeve të tilla të inicojë procedurën disiplinore dhe të kërkojë apo të shqiptojë masat konkrete të parapara me aktet normative të FFK-së.

Vendimi i Komitetit Ekzekutiv nga alinea paraprake nuk mund të atakohet me asnjë mjet të rregullt juridik të FFK-së.

Ndaj Vendimit të Komitetit Ekzekutiv (ose mos marrjes të ndonjë vendimi me kohë), pala e pakënaqur mund të drejtohet Arbitrazhit Sportiv, në Komitetin Olimpik të Kosovës si dhe në Gjykatën e Arbitrazhit Sportiv në Lozanë CAS.

#### **IV. DISPOZITAT KALIMTARE DHE TË FUNDIT**

##### **Neni 86**

Vendimet obligative për zbatimin e Rregullave të lojës së futbollit të marra nga ana e organeve kompetente ekzekutive të FFK-së, para hyrjes në fuqi të kësaj Rregulloreje do të zbatohen edhe më tutje gjithnjë, derisa çështja që rregullohet me këto vendime mos të rregullohet me akte të përgjithshme normative të FFK-së.

##### **Neni 87**

Komiteti Ekzekutiv i FFK-së është i autorizuar që të jep udhëzime për zbatimin e kësaj Rregulloreje dhe të bëjë interpretimin e dispozitave të saj.

##### **Neni 88**

Rregullorja është aprovuar nga Komiteti Ekzekutiv i FFK-së me 5 Gusht 2009, ndërsa plotësimet dhe ndryshimet janë miratuar me 02.08.2017 dhe 27.07.2018.

Rregullorja hyn në fuqi një ditë pas nënshkrimit të saj.

**Prishtinë, date 28.07.2018**

**Kryetari i FFK-së**  
**Agim Ademi**

**Sekretari i përgjithshëm**  
**Eroll Salihu**